



Broj: 02-04-2-36 /20

Datum, 20.02.2020.godine

ZAPISNIK

sa 36. sjednice Općinskog vijeća Maglaj
održane dana 20.02.2020.godine u 09:00 sati u sali
JU Dom kulture «Edhem Mulabdić» Maglaj

Predsjedavajuća, na osnovu člana 59. Poslovnika o radu Općinskog vijeća, zaključaka Kolegija od 11.02.2020.godine, te Programa rada Općinskog vijeća za 2020. godinu, otvaram 36. redovnu sjednicu Općinskog vijeća.

Kao što je već u uvodu samom i dopredsjedavajući rekao na današnju sjednicu pozvani su vijećnici iz parlamentarnih političkih partija: SDA, SDP, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni zastupniku u Domu naroda Jasminku Kapiću i zastupnici u Skupštini ZDK Emiri Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 35. redovnoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Što se tiče zapisnika, dio zapisnika je dostavljen sa 35. Sjednice, predlažem da na narednoj sjednici Općinskog vijeća verifikujemo Zapisnik i sa 35. sjednice i 36. sjednice zajedno.

Vijećnik Mirza Bradarić, obzirom da ste vi Predsjedavajuća već iznijeli taj prijedlog, ja bih samo sugerisao na strani 3. ovog Zapisnika kad je bilo u pitanju glasanje, tehnička greška, kaže glasalo 10 glasova za, a ispod dole opet navedeno glasalo 11 glasova za. Samo da se ispravi to, tj. 11 glasova je bilo protiv.

Predlažem verifikaciju cjelovitog zapisnika na narednoj sjednici OV.

Predsjedavajuća, otvaram raspravu po pitanju dnevnog reda za 36. redovnu sjednicu, da li ima prijedloga za proširenje ili nekih drugih prijedloga.

Načelnik – predlažem tehničku pauzu.

Načelnik općine, s obzirom da se niko od vijećnika nije javio po pitanju dnevnog reda ja se javljam. Vjerujući da će Vijeće danas usvojiti ove zaključke po pitanju mjesnih zajednica koje su i usvojili zajedno sa Službom pripremili smo Odluku o raspisivanju izbora za članove Vijeća MZ na području općine Maglaj. Ovu Odluku koja je na jednoj strani možete je u toku pauze razmotriti i donijeti stavove ko želi ukoliko bude prihvaćena kao tačka dnevnog reda, dakle kandidujem dodatnu tačku dnevnog reda Odluka o raspisivanju izbora za članove Vijeća mjesnih zajednica na području općine Maglaj, a što je samo nadogradnja ovih zaključaka koji su usvojeni maloprije.

Predsjedavajuća, zaključujem raspravu po dnevnom redu, a dok pogledate materijal, vjerovatno će biti i zahtjeva za pauzu.

Klub SDA pauza.

Predsjedavajuća, ja sam pitala i potvrđeno je da je ova Odluka o pristupanju Sporazuma gradonačelnika/načelnika za klimu i energiju i izradi Akcionog plana za održivu energiju i borbu protiv klimatskih promjena, bila na mailu koju vam je Emina naknadno podijelila. Načelnik to nije iznio zato što je smatrao da je mailom dostavljeno i da treba da ide, Bešlagić je sugerisao da mora ući na dnevni red zbog hitnosti donošenja ovakve Odluke. Pa i tu Odluku smatramo jednim od prijedloga dnevnog reda.

Vijećnica Šefka Hasanić, stav Kluba po pitanju dopune dnevnog reda za Odluku o raspisivanju izbora za članove Vijeća MZ na području općine Maglaj.

S obzirom da u prethodnom periodu smo imali dosta i rasprava i dilema, imali smo i mišljenje Ministarstva pravde po pitanju provođenja izbora u mjesnim zajednicama, smatramo da je jako neozbiljno ovakav jako važan materijal za funkcionisanje naše lokalne zajednice donijeti pred samu sjednicu OV. Klub vijećnika s toga nije imao ni vremena niti ima prostora da se adekvatno pripremi za raspravljanje po ovoj tački dnevnog reda iz razloga što trebamo provjeriti i zakonsko utemeljenje koje je navedeno u preambuli ove Odluke, a samim tim navest ću vam i jednu činjenicu na nastavku prethodne sjednice, donesen je zaključak da se izbori provedu u roku od 60 dana. Ako pogledate datum u članu 3. Gdje se kaže da je rok 31.03. onda nemamo tih 60 dana koje smo donijeli u prethodnom zaključku na nastavku prethodne sjednice. Predlažemo da se ova Odluka dostavi na razmatranje na slijedećoj sjednici OV.

Predsjedavajuća, predlažem da se izjasnimo o predloženom dnevnom redu uzimajući u obzir iznesene prijedloge o proširenju dnevnog reda. Jedan prijedlog je bila Odluka o raspisivanju izbora za članove Vijeća MZ na području općine Maglaj, a drugi prijedlog Odluka o pristupanju Sporazuma gradonačelnika/načelnika za klimu i energiju i izradi Akcionog plana za održivu energiju i borbu protiv klimatskih promjena.

Ako se usvoji na dnevnom redu, onda ćemo raspravljati po ovoj Odluci pa ćemo u okviru rasprave korigovati ono što se treba korigovati.

Ko je za prijedloge proširenja dnevnog reda za današnju sjednicu?

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ BiH).

Načelnik, neka to budu 5 i 6. tačka a da se ostale pomjere.

Predsjedavajuća, u skladu sa usvojenim prijedlogom pročitat ću dnevni red za današnju sjednicu.

DNEVNI RED

1. Osnovni zadaci i programska orijentacija Općinskog pravobranilaštva za rad u 2020. godini;
2. Odluka o konačnom imenovanju Općinskog pravobranilaštva;
3. Plan kapitalnih investicija Općine Maglaj za 2020-2022. godine;
4. Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2020. godinu;
5. Odluka o raspisivanju izbora za članove Vijeća mjesnih zajednica na području općine Maglaj;
6. Odluka o pristupanju Sporazuma gradonačelnika/načelnika za klimu i energiju i izradi Akcionog plana za održivu energiju i borbu protiv klimatskih promjena, (Sustainable energy and climate action plan –SECAP);
7. Prijedlog Odluke o prosječnoj građevinskoj cijeni 1 m² korisne stambene površine na području općine Maglaj za 2020. godinu;
8. Prijedlog Odluke o prodaji nekretnine neposrednom pogodbom Nalić (Ibrahim) Enveru i Nalić (Mehe) Ibrahimu iz Maglaja, radi oblikovanja građevinskih parcela sa prilaznim putem;
9. Prijedlog Odluke o prodaji nekretnine neposrednom pogodbom Bajrić (Salih) Ševalu iz Liješnice, općina Maglaj, radi formiranja građevinske parcele;
10. Rješenje o razrješenju člana Općinske izborne komisije Maglaj;
11. Odluka o raspisivanju Javnog oglasa za imenovanje člana OIK-a Maglaj;
12. Odluka o davanju saglasnosti JP „Elektroprivreda BiH“ d.d. Sarajevo Podružnici „Elektrodistribucija“ Zenica za postavljanje dva AB stuba u putnom pojasu – na dijelu parcele označene sa k.č.br. 2265 k.o. Kosova;
13. Nacrt Programa poticaja u poljoprivrednoj proizvodnji općine Maglaj za 2020. godinu;
14. Nacrt Programa utroška sredstava – poticaj u zapošljavanju mladih poduzetnika za 2020. godinu;
15. Odluka o usvajanju Nacrta djelimične izmjene Regulacionog plana „Liješnica“ – Plan poslovno radne zone Liješnica;
16. Odluka o usvajanju Nacrta djelimične izmjene Regulacionog plana „Centar Maglaj-južni dio“;
17. Odluka o usvajanju Nacrta djelimične izmjene Regulacionog plana „Centar Maglaj-sjeverni dio“;
18. Odluka o pristupanju djelimične izmjene Regulacionog plana „Centar Maglaj-sjeverni dio“ po zahtjevu „Džino“ d.o.o. Maglaj;

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić. Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ BiH).

Prelazimo na razmatranje prve tačke dnevnog reda.

AD – 1 Osnovni zadaci i programska orijentacija Općinskog pravobranilaštva za rad u 2020.godini;

Predsjedavajuća, prelazimo na razmatranje prve tačke dnevnog reda. Materijal je dostavljen u sazivu za ovu sjednicu.

Otvaram raspravu, nije bilo rasprave, predlažem

ZAKLJUČAK

1.1. Usvajaju se Osnovni zadaci i programska orijentacija Općinskog pravobranilaštva za rad u 2020.godini;

Glasalo 14 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 11 glasova uzdržani: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 2 Odluka o konačnom imenovanju Općinskog pravobranilaštva;

Otvaram raspravu

Vijećnik Hajrudin Fermić, odlučio sam da progovorim nekoliko rečenica. Naime, danas mi trebamo da se izjasnimo o tome da li ćemo produžiti mandat, odnosno da verifikujemo ono što nam Komisija predlaže da gospođi Botonjić produžimo mandat u narednom četverogodišnjem periodu. Ja bih samo htio da iznesem jedno svoje malo nezadovoljstvo, činjenicom što mi u ovom trenutku nemamo i Izvještaj o radu. Mislim da nam je pogotovo kad se zatvara jedan četverogodišnji ciklus logično da bude i Izvještaj o radu, a bilo je praksi da se na sjednicama OV čak i sredinom januara, raspravljalo i u ovom sazivu vijeća čak sredinom januara pa do maja mjeseca da se raspravljalo o tim izvještajima. Naime, jako je važna ta funkcija koju ste obavljali i koju ćete ako Bog da i obavljati da bismo mi ovdje na sjednicama OV, pa i ovo je krupna odluka, samo formalno glasali za ili protiv i programa i izvještaja. Naime trebaju nam važne informacije važne činjenice i važne brojke i da kažemo i pokazatelji određenih indikacija na općini Maglaj kada je u pitanju imovina, odnosno kada je u pitanju rad pravobranilaštva. Zbog toga, da puno ne dužim bi volio da na narednoj sjednici OV imamo Izvještaj o radu Općinskog pravobranilaštva, ja mislim da bi ta naredna sjednica trebala biti negdje krajem marta, ali zaista da bude cjelovita i sveobuhvatna onako kako samo i ranijih godina imali to, sa brojkama, tabelama, sa pokazateljima koliko je zaista urađeno u ove prethodne tri godine i kad su u pitanju izvršni i sudski postupci i kad je u pitanju parnični postupak gdje je tužena i Općina, a isto tako ako ima i drugih strana. Koliko ste uknjižili vlasništva, odnosno nekretnina na Općinu u onom postupku harmonizacije. Mi zaista smo uskraćeni u odnosu na te informacije, a te informacije bi trebali, čak je bilo i određenih zaključaka da ne ponavljam koje smo mi to sve zaključke donosili na OV, da ćemo imati u nekom realnom svom postupku. Jednostavno želim i podržavam i naravno glasat ću da vam se obnovi mandat, ali dajte da za slijedeći izvještaj dobijemo jedan cjelovit materijal gdje bi dobili koliko toliko realnu sliku stanja u oblastima u kojima radite.

Načelnik općine, Izvještaj Pravobranilaštva je spreman, pripremajući tačke za ovu sjednicu dnevnog reda i uvažavajući niz ovih tačaka koje bi danas morali da završimo, moj prijedlog je bio da za slijedeću sjednicu Vijeća za koju nam je plan da ona bude do 15.03. dođe pred vas i Izvještaj o radu Načelnika i općinskih službi i Izvještaj o izvršenju Budžeta za 2019.godinu, Izvještaj o radu pravobranilaštva. Zašto nisam forsirao da dođe Izvještaj kod Odluke o izboru pravobranilaštva, iz razloga što je već ista osoba radila dva mandata iza nas je 7 godišnjih izvještaja i zbog toga sam smatrao da na slijedećoj sjednici imate sveobuhvatne izvještaje, dakle i službi i pravobranilaštva i izvještaj o izvršenju Budžeta. Ako je greška ja je preuzimam na sebe, nije do gospođe Botonjić.

Predsjedavajuća, zaključujem raspravu i dajem na glasanje

Z A K L J U Č A K

2.1. Donosi se Odluka o konačnom imenovanju Općinskog pravobranioca.

Glasalo 14 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 11 glasova uzdržani: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Predsjedavajuća, obavezni dio jeste da pozovem Općinsku pravobraniteljicu koja će dati i svečanu izjavu.

Nermina Botonjić, prije svečane izjave poštovane dame i gospodo, hoću da vam se zahvalimna ovoj podršci za treći mandat i nadam se da ćemo zajedno kao i do sada svakako da će Općinsko pravobranilaštvo ispunjavati svoje obaveze u skladu sa zakonom i u suradnji sa Organom uprave, Načelnikom općine, Općinskim vijećem, tako da ćemo na zajedničkim temeljima, truditi se u svakom slučaju ja kao općinski pravobranilac da zaštitimo interese općine Maglaj. Hvala još jednom.

Nermina Botonjić, shodno članu 38. Zakona o pravobranilaštvu, prije stupanja na ovu dužnost sam u obavezi pročitati Svečanu izjavu koja glasi:

«Izjavljujem da ću se u vršenju službe Općinskog pravobranioca pridržavati Ustava i Zakona Bosne i Hercegovine, Federacije Bosne i Hercegovine, Zeničko-dobojskog kantona i Statuta Općine i da ću službu obavljati savjesno. «

AD – 3 Plan kapitalnih investicija Općine Maglaj za 2020-2022. godine;

Načelnik općine – uvodno izlaganje

Dalje po ovom tu vam je i Nermin Bešliagić, dakle, na Planu kapitalnih investicija su prije svega radile Služba za urbanizam i Služba za privredu. Pred nama je danas po drugi put Plan kapitalnih investicija godišnji plan, da odmah kažem nekoliko napomena a vi dalje diskutujte po ponuđenom materijalu. Radi se o okvirnom Planu investicija, dio tih investicija koje su tu navedene zavise i od drugih strana ili drugih partnera, dio ih je koji su aplicirani koji su izvjesni da bi mogli proći kao odobreni projekti takvi su stavljeni, što ne znači da će morati biti odobreni, može se desiti da ne budu odobreni. S druge strane imamo projekata apliciranih ili kojih trenutno apliciramo i koji potencijalno mogu biti odobreni i mogu biti realizovani a ne nalaze se u planu kapitalnih investicija. O takvoj situaciji ćete vidjeti kada na slijedećoj sjednici damo izvještaj o realizaciji Plana kapitalnih investicija za 2019.godinu. Plan kapitalnih investicija je sačinjen na osnovu zahtjev od mjesnih zajednica, dakle, bio je javni poziv gdje su dostavljali svoje prijedloge i mjesne zajednice. Svoje prijedloge su dostavljali i građani i pojedini vijećnici, ali naravno dio prijedloga je i od same Službe za urbanizam, koja je nadležna za ovakve aktivnosti na području općine Maglaj i želim napomenuti da dio projekata je i po modelu sufinansiranja, to vam stoji u napomenama, dakle za realizaciju tih projekata potrebne su i obje strane i Općina i sufinansijeri. Ukoliko sufinansijeri ne budu zainteresovani i ne budu aktivni u realizaciji tih projekata takvi projekti neće biti realizovani, a sredstva će biti preusmjerena na one lokacije gdje su sufinansijeri zainteresovani da se ti projekti i realizuju. Mislim da su to uvodne napomene, opet kažem okvirni Plan, ne radi se o Planu koji sadrži samo sredstva Budžeta Općine Maglaj, imate tu sredstva koja pripadaju Općini Maglaj po raspodjelama od sredstava vodnih naknada, cesta itd. to je nešto što ne zavisi isključivo od nas, nego zavisi i od drugih, tako da o realizaciji tog Plana ako se danas usvoji, u kojoj formi se usvoji će budući saziv Općinskog vijeća imati priliku da raspravlja iduće godine ako Bog dan, a vi ćete imati priliku da raspravljate o realizaciji Plana kapitalnih investicija za 2019.godinu na slijedećoj sjednici Vijeća.

Otvaram raspravu

Vijećnik Mustafa Bešić, što se tiče ovog Plana, 2020-2022. Naš Klub će ga podržati. Detaljno sam pregledao plan i vidio da gotovo u svim mjesnim zajednicama, znači nastavlja se tamo gdje je stalo sa radovima. Čini me to sretnim i drago mi je što sam dio tima ove većine. Moram se zahvaliti Načelniku i službama koje prate odluke Vijeća koje oni na terenu realizuju. Neću puno da pričam, želim da nastavite u 2020.godini sa aktivnostima i ljudi će prepoznati naš rad i prepoznali su već.

Vijećnik Mirza Bradarić, ja ne bih ponavljao ovo sve što je Načelnik do sad rekao, ja ću samo reći u ime Kluba SDP-a da ćemo mi prihvatiti ovaj Plan kapitalnih investicija na području općine Maglaj za 2020-2022. godinu.

Ja bih pokušao ako je to ikako moguće da iniciram dvije stvari. Iskren da budem prije dobijanja samog ovog materijala nadao sam se da će te dvije stvari biti ovdje uvrštene u ovaj materijal, međutim, gledajući toga nema, pa bih ja pokušao da iniciram te dvije stvari.

Prva stvar tiče se korita rijeke Liješnice, konkretno u Liješnici na potezu tzv. „Johvak“. Većina vas, možda i svi znate da ta krivina to područje Johvaka tj. konkretna je krivina koja je pod 90 stepeni, pravi jako velike probleme, naročito u periodu kad vodostaj rijeke Liješnice, naraste zbog određene količine padavina, pravi jako velike probleme. Naime 2018.godine desila se u maju mjesecu poplava u Liješnici n/m Salkići, Osmići itd. Nije to zbog nivoa rijeke Bosne, naime rijeka Liješnica je napravila te probleme jer na toj krivini jednostavno rijeka nije mogla imati onog protoka kojeg je trebala imati i nivo rijeke Liješnice ja narastao prešao je taj određeni nivo i preplavio je to područje. Ja bih zamolio Načelnika ako je ikako moguće da u roku od 2 mjeseca sa nadležnim službama uputi dopis jer sam dobio informaciju da je za to područje, dakle za pritoke rijeke Bosne sada nadležan Kanton, pa bih zamolio da zajedno sa svojim službama pošaljete jedan dopis i prema Kantonu i prema Federalnom nivou za pomoć pri rješavanju, svjesni smo mi da općina Maglaj sama to ne može uraditi, jednostavno da ih zamolite za pomoć kako bi se ta problematika riješila jer svi su gore, svi mještani gore su u velikom strahu. Proljeće ide, kiše će ponovo biti itd. Ljudi više nemaju snage strahuju svaki put kod neke jače kiše d se neće desiti nekakva poplava itd. Sigurno ispravljanjem korita rijeke Liješnice, tj. one krivine bi se u velikoj mjeri taj problem riješio.

Druga stvar tiče se MZ Misurići n/m Kraljevac. Vi jako dobro znate pogotovo koji žive gore i ovi koji šetaju na tom području da je gore na Kraljevcu jako opasno klizište, koje iz dana u dan situacija na tom području je sve gora i gora. Pa bih zamolio Načelnice i to da zajedno sa svojim službama da u roku od 2 mjeseca pokušate barem dati nekakav prijedlog rješenja i ko bi to u stvari mogao uraditi, pa da jednostavno informišete i mene a i ostatak Vijeća barem za neka dva mjeseca. Da li postoji mogućnost rješavanja tog problema, na koji način i od strane koga.

Vijećnik Hajrudin Fermić, Plan kapitalnih investicija je i ambiciozan i optimističan i može se govoriti o jednoj radosti kada se pogleda ovaj popis i ove tabele, gdje se sve planira namjerava nešto raditi, graditi, uređivati, sanirati itd. Kako reče kolega Bešić, može se i sa dosta ponosa govoriti o tome. Ja ću ovdje iznijeti nekoliko svojih prijedloga da se uvrste u ovaj Plan kapitalnih investicija, možda nisu za ovaj program, možda su za slijedeći program koji ide, ali to ostavljam Načelniku i Službi da razmisle o tome, ali bi volio i da uđe ovo što ću sada prezentirati kao svoje prijedloge.

Naime, tu prije svega mislim na postavljanje metalne bankine na dijelu lokalnog puta Gornja Liješnica-Tujnica, to je od električnog mlina, dakle potrebna je fizička zaštita prema rijeci Liješnici ona je tu bila postavljena ranije, nema je a zaista je strahota kako za pješake, tako i za putnike ne treba zaboraviti da je u neposrednoj blizini osnovna škola tu. Znači ulaza za južne strane. Također predlažem izradu projektne dokumentacije za postojeći most na rijeci Liješnici na tom lokalnom putu Liješnica-Tujnica. Ovdje ću ponovo iznijeti da je to uzrok plavljenja naselja u blizini istog. Imaju kažu od ranije obećanja, mi smo na Vijeću i Kolegiju razmatrali i peticiju građana koja je došla upravo sa takvim prijedlogom, odnosno zahtjevom i rekonstrukcija sportskog poligona u naselju Liješnica.

Mislim da u ovom programu kapitalnih investicija osim ove stavke, odnosno ove formulacije kad je u pitanju Groblje Borik treba da bude malo optimističnije. Naime, ja insistiram i tražim da tu bude osim izrade projektne dokumentacije, glavnog projekta treba da stoji i izvođenje radova I-faze ili gradnja I-faze. Ovako šaljemo pesimističnu poruku građanima koji u posljednje vrijeme kad je u pitanju groblje naelektrisani. U ovom Planu kapitalnih investicija piše da su ta i ta sredstva planirana samo za izradu Glavnog projekta, pa da se tu stavi i izvođenje radova.

Samo još da pomenem one arhitektonske barijere ima ih u ovom Planu, nema ih decidno gdje će se grditi, ali eto nada je da ono što sam ja kao vijećnik za ovom govornicom predlagao da uđe i to bio jedan veliki i human gest i ovog saziva OV da nakon dugo vremena uklonimo jednu arhitektonsku barijaru, a to za početak moglo da bude u Dom kulture. Sad će biti izbor sportiste, bit će invalida dole, znači ulaz u kino i naravno to je nezaobilazna ambulanta u Liješnici, pa maka onaj donji dio gdje ne treba puno ni sredstava ni rada, makar taj dio da uklonimo tu arhitektonsku barijeru.

Jedan prijedlog, Načelnice, već odavno se priča, govori, raspreda i praktikuje ovo što se malo prije pomenuli sufinansiranje radova ili projekata, mještani, građani, Općina Budžet. Koliko je to dobro pokazuje zaista zadovoljstvo onih ljudi koji jesu u tome radili i nešto ugradili i uradili, ali ima to i svojih opasnosti sa svoje strane, i upitnika i pitanja i svega ostalog i predlažem vam da vi napravite jedan kriterij tih zajedničkih ulaganja, kriterij, ili pravilnik ili okvirne neke smjernice da objavite makar u Službenim novinama da se pridržavaju. Zaista je vrlo teško nekima objasniti određene stvari, stvaramo nezadovoljstvo, a kad imamo transparentno uređeno da se zna da ta i ta grupa mještana ili to područje je voljno i može da skupi toliko novca da Općina također vrlo rado sufinansira dio određenih sredstava za realizaciju određenog projekta, onda će se puno manje nezadovoljstva javljati, a na kraju krajeva i nesporazuma i nerazumijevanja. To bi bila i neka obaveza prema našem transparentnom radu u budućnosti, a sigurno i putokaz mnogim po mjesnim zajednicama kako da realizuju, na kraju možda ćete ih i natjerati da ih što više uđe u taj sistem ili princip, neko ga je ranije zvao marka na marku, neko sufinansiranje itd. ali da imamo precizne i jasne kriterije oko toga.

Vijećnica Šefka Hasanić, Klub vijećnika SDA je razmatrao Plan kapitalnih investicija Općine Maglaj za 2020-2022.godina, te donio slijedeće stavove.

Plan kapitalnih investicija Općine Maglaj za period 2020-2022. godina je preambiciozan i vidimo da je predizborni. Iz ponuđenih materijala vidljivo je da je prihod sredstava za navedene investicije daleko veći iz

drugih izvora, a ne iz Budžeta Općine. Neke mjesne zajednice su privilegovane sa vrlo malo ulaganja istih i predviđena su im sredstva iz Budžeta Općine Maglaj.

Prethodni Plan kapitalnih investicija Općine Maglaj nije realizovan do kraja. Pitamo da li realizacija projekata zavisi od sredstava iz drugih i viših nivoa vlasti pošto vidimo da su iz Općine vrlo mala sredstva predviđena za realizaciju Plana. Za neke projekte se planiraju sredstva iz drugih izvora, ukoliko se ta sredstva ne obezbijede projekti se ne realiziraju. Da li imamo rezervni plan odakle namiriti ta sredstva da bi ovaj Plan bio provodljiv. Pitamo čemu Plan 2020-2022. Ako nije ni realiziran prethodni plan? Zašto se nisu našli u ovom materijalu kao prioriteta projekti koji nisu realizovani u 2019.godini? Na kraju Klub vijećnika SDA će biti suzdržan po ovoj tački dnevnog reda.

Vijećnica Svjetlana Zamboni, kako je kolega Bešić i dopredsjedavajući već rekli, ja želim čestitati Načelniku i Službi na ovom materijalu, evo već drugi puta imamo Program kapitalnih investicija, što u ranijoj praksi nije bio slučaj. Želim vam čestitati na činjenici da ovakvim programom zapravo samo dokazujete da ste načelnik svih građana sa područja općine Maglaj a lokacije u okviru ovog programa samo to i potvrđuju.

Načelnik općine, dat ću nekoliko odgovora na pojedine dileme ili prijedloge. Gospodin Bradarić se prvi javio korito rijeke Liješnice i ne samo korito rijeke Liješnice i rijeke Jablanice i Bistrice i Bočinje sve su to problemi koji nakon onih padavina i poplava koje se dešava pogotovo na ovakvim rijekama koje su bujičastog karaktera i izuzetno razornog dejstva, na kraju prave štetu općini Maglaj. Vi znate da smo 2019. godine imali poplavu od rijeke Liješnice, 2018.godine Jablanica i Bistrice su napravile određene probleme. U 2019.godini smo dobili 10.000,00 KM kao pomoć za sanaciju šteta, a svi možete na terenu vidjeti koliko je toga urađeno u Jablanici, koliko je toga urađeno u Bradićima, u Liješnici pa i na dijelu Novog Šehera kad su u pitanju sanacije šteta od poplava. Mi smo obezbijedili od nadležnog ministarstva dva puta po 40.000,00 KM za projektnu dokumentaciju regulacije korita rijeka Liješnica i Jablanice, ali isto tako je upućeno ministru zahtjev za obezbjeđivanje sredstava uređenja korita Liješnice od 100.000,00 KM i evo ponovit ćemo urgenciju. Kad su u pitanju nadležnosti na slivu rijeke Bosne i ušla ovih rijeka korita nadležnost je Agencije za sliv rijeke Save, ostalo su nadležnosti kantona. Jedna najava za vas u toku 2020.godine bi trebalo da se konačno vrši i vađenje ovog nanosa šljunka na dvije lokacije. Jedna je iznad gradskog mosta, druga je gore prema Natronu i bit će još nekih projekata kad je u pitanju Agencija za sliv rijeke Save.

Što se tiče Kraljevca i klizišta nemam u ovom trenutku detaljne informacije to ćemo prenijeti obaveze Službi.

Gospodin Ferić je iznio nekoliko ideja, dakle metalna bankina kod mlina to svakako može biti sastavni dio ovog narednog plana. Projekat mosta Liješnica Tujnica bez srednje kule taj projekat je u završnoj fazi, znači Općina je ugovorila taj projekat i nakon što dobijemo taj projekat s obzirom da se tu radi o teritorijama općina Maglaj i Žepče pokušat ću sa načelnikom Zovkom da pokušamo zajednički obezbijediti sredstva za izgradnju novog mosta. Kad je u pitanju Groblje Borik u ovom trenutku nisam vrtio i lovio po planu kapitalnih investicija, ali treba da ima 20.000,00 KM za izvođenje radova I-faza mimo projekta. Projektna dokumentacija ide iz sredstava za projektne dokumentacije i to nije sporno, ali sredstva iz kapitalnih investicija koje idu sa drugih pozicija u Budžetu treba da stoji 20.000,00 KM za I-fazu izgradnje tog groblja i to će ići sigurno u realizaciju.

Arhitektonske barijere hvala na podršci i sugestije su Dom kulture, Ambulanta u Liješnici, sagledat ćemo i ostale institucije, ukoliko nema neka prioriteta ići ćemo sa ove dvije.

Kad su u pitanju kriteriji za sufinansiranje ovih projekata teško je to napraviti egzaktno kriterije, zavisi to i od stonovišta na terenu njihovog stanja socijalnog, zavisi od stanja na terenu fizički kad je u pitanju infrastruktura, prohodnost itd. mnogo toga diktira sam teren, ali građani se zaista javljaju sa zahtjevima, sa idejama sa ponudama, tako da na taj način ćemo gledati da što kvalitetnije se iskoriste ta sredstva i na zadovoljstvo što većeg broja građana općine.

Klub vijećnika SDA Plan preambiciozan, ako je Plan preambiciozan onda sam preambiciozan i ja. Ambiciozan jesam, realizacija jel prošle godine realizovano ili nije imat ćete izvještaj na slijedećoj sjednici pa ćete vidjeti da je u suštini realizovano više nego što je planirano i šta je sve realizovano, odnosno eventualno šta od nekih planiranih projekata nije realizovano, imat ćete uvid i u te informacije zašto nije.

Iz Općine vrlo malo sredstava, ne mogu vjerovati da sam čuo ovu konstataciju neću je ni komentarisati, takve me konstatacije ne interesuju.

Rekao sam već prethodni izvještaj o Planu dobit ćete na narednoj sjednici.

Predsjedavajuća, zaključujem raspravu i predlažem da se iznesene sugestije od strane vijećnika uzmu na razmatranje od strane Službe i Načelnika, te dajem na glasanje

ZAKLJUČAK

3.1. Usvaja se Plan kapitalnih investicija Općine Maglaj za 2020-2022. godina.

Glasalo 14 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

Glasalo 11 glasova uzdržani: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 4 Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2020. godinu;

Predsjedavajuća, Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2020. godinu, neke od prethodnih diskusija odnosile su se i na ovu tačku dnevnog reda. Ukoliko bude bilo pitanja tu je i Nedžad i Načelnik.

Otvaram raspravu

Vijećnik Firuz Galijašević, Klub SDP-a će podržati Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2020. Godinu. Želim Načelniku uspješnu realizaciju svih radova u 2020.godini, a ne mogu da ne napomenem moju MZ Moševac i put Moševac, od Doma do Ravne do trafoa, gdje smo prije tri godine imali nešto više od kilometra asfalta a sada već imamo blizu tri, ako Načelnik ovako nastavi sa ovim asfaltiranjem našeg puta, ne znam šta ću mu više dosađivati u narednom periodu.

Vijećnik Adis Abdurahmanović, Klub vijećnika SDA predlaže da se u zimsko održavanje uvrste slijedeći putni pravci:

- Novi Šeher-Domislica-Brezove Dane-Dubrave, Kopica – Hatkine njive, Kosova kamenolom-Šljivice, odnosno relacija do razgraničenja sa općinom Tešanj, vjerujte d je to prijeko potrebno. Dolazim s tog terena i znam da veliki broj naših građana putuje i radi u susjednoj općini Tešanj. Gornja džamija-Muminovići, tu također imamo dijelovnog bolesnika i zimsko održavanje bi bilo prijeko potrebno. U MZ Ravna putni pravci Bistrica-Kalabići, Škola-Muminovići, Trafo stanica-Zminjak, Igrišta-Ukolci i Igrišta-Gaj.

- Kada je u pitanju redovno održavanje puteva predlažemo slijedeće putne pravce put Novi Šeher-Čobe-Kopice, to je put u katastrofalnom stanju i bankina i kanali i potrebna je hitna sanacija istih. Put Domislica-Brezove Dane, Domislica-Beše.

Vijećnik Hajrudin Fermić, ja ću upitat Načelnika da li postoji mogućnost, odnosno koji je razlog što nisu uvršteni ni u Program kapitalnih investicija a ni u ovo redovno održavanje dio puta, lokalni put kako ga nazivamo Liješnica-Bradići-Globarica. Naime, i kad je bila rasprava o Budžetu a i mjesna zajednica je predložila da u Program kapitalnih investicija uđe rekonstrukcija cijelog tog puta u dužini od Liješnice od „Natron“ do Globarice, naravno u fazama, ali znam da je bio zahtjev obzirom da je to veliki i krupan projekat ali ne samo za njih važan, mislim da bi bio važan i za općinu Maglaj, a isto tako i Žepče i Zavidoviće, pa nema ga u ovom projektu. Da li postoji mogućnost da se makar uvrsti u redovno održavanje bankine od dijela „Natron“ prema Fojnici onoliko koliko se može tu uraditi, čišćenje tog dijela bankine tako sumi rekli da pitam makar taj dio. Također predlažem i misli da je u katastrofalnom stanju da je neophodna rekonstrukcija onog puta ne znam u kojoj je kategoriji ali puta u Donjim Bradićima, onaj koji ide prema džamiji i prema njihovom mjesnom vodovodu, to je praktično glavni i jedini put koji prolazi kroz to selo, zaista je strahota, ja znam da su mnogi ovdje bili pa i vi Načelnice i mislim da bi dobro bilo da se nađe i on. Naravno nešto što sam i ranije pominjao a to je dovesti u funkcionalno stanje, kad to kažem mislim najnužnije neki građevinski radovi, da li je to ravnjanje, čišćenje ili minimalna adaptacija tog puta Lanište-Jezerce-Suhi most prema izvorištu i vodovodnoj mreži Duba u MZ Kopice, makar dijela. Znam da ima podosta tog puta, znam da nije naseljeno ali je važan taj dio puta, ako ništa drugo zbog ovog vodovoda.

Vijećnik Firuz Galijašević, samo nešto da dopunim u zimskom održavanju imamo lijepe orijentire: Moševac-Lanište, M-17, Hafiza, Sala, Avdići, ja bih tu dodao samo još Hasanbašiće, pošto je to možda i najlakši dio puta za održavanje. On je nekako paralelno sa M-17.

Vijećnik Edib Delić, Mislim da su ovo tehničke stvari, ovo su pravci koji su nazvani po gospođama koje su sakupljale pare za asfaltiranje puteva pa su ostale tamo u Službi. Predlažem da umjesto Hafiza stoji zaseok Husakovići, umjesto Sala zaseok Vehabovići i ovo ostaje.

Vijećnik Josip Jurišić, htio sam reći da sam ja prošle ili čak pretpošle godine vezano za ovo održavanje zimsko neke putne pravce kojih ovdje nema uopće ni pod lokalne ceste, ni pod nerazvrstane, dostavio Fudi, međutim nisu ovdje nigdje zavedene, a imamo uvijek problem kad padne snijeg onda ljudi zovu jer tu se ne čisti, naravno uz intervenciju dođe stroj pa očisti snijeg, ali da ja ne dosađujem Načelniku ili šefu Službi bilo bi dobro da se to jedn puta stavi i da se ne zivkamo više po pitanju toga. Nadalje, mislim da će ovaj plan i program održavanja vjerovatno će se to nešto uklopiti i sa onim kapitalnim pa da će se to uvezati jedno s drugim i bit će to vjerovatno na zadovoljstvo svih građana. Prema tome, ovaj plan i program podržat ću.

Načelnik općine, hvala na svim sugestijama, naravno Služba evidentira pojedine puteve onako kako imaju kontakte na terenu, tako da je moguće da ima određenih grešaka. Ali kad ste pomenuli dvije gospođe Salu i Hafizu, koristim priliku da ih poselamim i pozdravim i da kažem koliko su one aktivne za svoja naselja, a ukoliko nisu zaslužile da se ti putevi zovu po njima mogu barem da stoje u tabelama. Volio bih da su i ostali sugrađani, građani, predstavnici n/m a ima ih dosta koji rade takve aktivnosti volio bih da imaju energije i htijenja koliko

imaju njih dvije. Opet ponavljam da ima dosta sugrađana na području općine Maglaj skoro iz svih mjesnih zajednica koji su odgovorni i koji surađuju sa Službom na ovakvim i sličnim projektima.

Kad je u pitanju zimsko održavanje evo vidite zime, izgleda da ćemo moći proširiti tu količinu puta sve je manje snijega. Vjerovatno ima putnih pravaca koji bi trebali da uđu u program i napraviti ćemo analizu za idući ugovor o zimskom održavanju, ali moram vam reći da svi sokaci koje pominjete sredstva u Budžetu obezbijeđena za mjesne zajednice, prema tome, da se malo uključe i mjesne zajednice. Pojedine mjesne zajednice se i uključuje, pa rješavaju takve probleme i nema. Ja ću pomenuti vijećnika Bešića koji zna kako je zvršavao one sokake koji nemaju i tako mogu i u svim mjesnim zajednicama. I neke od tih mjesnih zajednica su to koristile za potrebe svojih građana, a neki predsjednici mjesnih zajednica nisu htjeli namjerno da bi mogli da kažu kako je neodgovoran Načelnik a znaju da to nikad ni ranije nije bilo u programu.

Što se tiče puta Donji Bradići, on će svakako biti dio i nema razloga da ne bude odnosno prema Bradićima, nema razloga da ne bude. Mi smo i ove godine i prošle godine dio sredstava ulagali na taj put, kad je i sanacija asfalta u pitanju i sanirali onaj most gore u Donjim Bradićima, znam problem, tako da ćemo to pokušavati rješavati.

Lanište-Jezerce-Duba, tu smo u redovnom kontaktu sa predstavnicima vodovoda u Kopicama i u izvještaju ćete vidjeti da smo ih i finansijski podržali u skladu sa njihovim prioritetima. Prioritet im je bio prije svega da obezbijede kvalitetnu pitku vodu za korištenje i ono što ja imam informacija stanje je puno bolje nego što je bilo ranije a svakako će doći na red i ovaj put, a pominjali su ga.

Gospodin Jurišić je rekao za zimsko održavanje i to ćemo planirati kao što planiramo i u okviru ljetnog održavanja koje smo radili prošle i prethodne godine. U svakom slučaju ono sredstava što budemo imali na raspolaganju pokušat ćemo da iskoristimo na najbolji mogući način da se mogu svi završiti poslovi, završiti sve ceste, mostovi, ne mogu i vjerovatno neće nikad moći uvijek je preče od prečeg.

Predsjedavajuća, zaključujem raspravu uz sve ove sugestije molim vas da uzmete u razmatranje, a dajem na glasanje

ZAKLJUČAK

4.1. Usvaja se Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2020. Godinu, uz iznesene sugestije.

Glasalo za 25. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 5 Odluka o raspisivanju izbora za članove Vijeća mjesnih zajednica na području općine Maglaj;

Otvaram raspravu

Vijećnik Josip Jurišić, dopredsjedavajući nije vidio, pa nisam htio dosađivati, znao sam da će naići neka tačka da kažem ono što sam htio reći.

Po pitanju ukomponirati ću malo i onu tačku Informaciju o Nacrtu Statuta, pa i ova Odluka koja je vezana za to. Dakle, bio sam protiv one odluke i onih zaključaka i ja i HDZ naš odbor iz jednog jednostavnog razloga, zato što je to bila informacija a onda su iznjedrili se nekakvi zaključci koji nama nemaju nikakve veze sa tom informacijom. Očekivali smo da će doći prijedlog kao što je sad ovaj došao, pa da ćemo se o prijedlogu očitovati. Međutim, i ovaj sad prijedlog je došao brzo, pa nema nikakvih obrazloženja malo detaljnije i za ovu Odluku i prijedlog ove odluke će isto biti crveni karton. Što se tiče samih odluka o mjesnim zajednicama, nama je sasvim svejedno pogotovo mjesne zajednice odakle ja dolazim, a to je mjesna zajednica Radojčići. Kad će se i na koji način i kako organizirati izbori u našoj mjesnoj zajednici, to je nama sasvim svejedno, ali budući da ovdje ima dosta prepora sa jedne i sa druge strane je li zakoniti, nije zakonito, je li po statutu, je li po principima lokalne samouprave itd. ne bih se htio priklanjati ni na jednu ni na drugu stranu. Samo zato što je ovo došlo ovako ishitreno i ne pripremljeno ja neću da uzmem tu odgovornost da glasam za odluku, niti da zovem i tražim svoje članove odbora, šta, gdje i kako ja ću biti protiv ove odluke, a ona će vjerovatno proći i nek prođe.

Vijećnica Svjetlana Zamboni, ponukana i onom diskusijom u okviru zaključaka na prijedlog dnevnog reda od gopsode Hasanić ne mogu a da ne reagujem vezano za datum koji stoji u članu 3. ove Odluke, dakle a pozivajući se na zaključke koje smo donijeli na 35. sjednici u okviru 11 tačke dnevnog reda svakako je i te kako obaveza naša da izmijenimo datum koji nas ograničava u provođenju izbora za Vijeća mjesnih zajednica, tako da bismo trebali ovo pomjeriti, ako je 60 dana po zaključku bilo, danas je 20. Dakle, do 20.04. da se koriguje član 3. te da se izbori, rok za provođenje izbora za Vijeće mjesnih zajednica shodno članu 20. Odluke o osnivanju-potvrđivanju mjesnih zajednica na području Maglaj i ove Odluke je 20. april 2020.godine.

Vijećnik Hajrudin Fermić, ja sam i u pauzi razgovarajući o ovom problemu o mjesnim zajednicama rekao i ponovit ću to sad, zaista nema potrebe za bilo kakvim sumnjičenjima, bilo kakvim neakvim razmišljanjima o zadnjim namjerama bilo koga ko se zalaže za donošenje ove odluke o izborima u mjesnim zajednicama. Dakle, jasno je i nedvosmisleno da je u 18 mjesnih zajednica na općini Maglaj odavno istekao mandat onim aktuelnim vijećnicima u Vijeću MZ, da je u dva upitno ono legitimitet i legalitet, a treba se podsjetiti na činjenicu koju ste vi iz ovog bloka vrlo često spominjali i govorili a to je deblokada i funkcionisanje u MZ Maglaj-grad. Mislim da ovim konačno i to činimo i da je to svakako korak naprijed i nešto što je za pohvalu prije svega. Dakle, prva i osnovna stvar, ovi izbori ako se donese odluka, ovi izbori idu u skladu sa Statutom Općine, Odlukom o osnivanju mjesnih zajednica koju smo donijeli prošle godine i Statutima mjesnih zajednica koji su važeći po kojima su se već ranije izbori izvršili. Dakle, u čemu je razlika između važećeg Statuta MZ, u odnosu na ovu Odluku o osnivanju mjesne zajednice? Samo u onom drugom i trećem ponovljenom pokušaju zbora. Samo taj procenat ljudi koji je potreban da izađe u drugom Zboru, ako na prvom nije bilo kvoruma i ni u čemu višem se ne razlikuje, bez veze bilo kakva politizacija. Mi sad ovim pojednostavljujemo i olakšavamo procedure i na kraju krajeva, svim onim ljudima koji budu izabrani na slijedećim izborima u roku od 60 dana u Vijećima jer ljudi na zborovima građana biraju te ljude koje hoće. Dakle, nikakvog nametanja, naravno ako postoji negdje više kandidata da će se ganjat ko ima veću podršku tih mještana tamo u mjestu gdje žive i u MZ gdje funkcionise MZ. Dakle, nikakvih drugih zadnjih namjera nema. Dajte d to uradimo, ovaj rok od 60 dana ili kako je Predsjedavajuća izračunala idealan rok da završimo jednu fazu transformacije odnosno reformi u mjesnim zajednicama. Druga faza, nešto što smo pokušali uraditi, očigledno nije bilo dobre volje, nije bilo ambijenta da se ide, a to je da se u narednoj nekoj fazi, a ne kad je izborna i vruća glava mjesnim zajednicama vrati onaj njihov značaj i njihov status kakav im i po zakonu i po Statutu Općine pripada i na kraju krajeva kakav i zaslužuju građani koji žive na tom području.

Hoću samo da kažem, molim tražim od Načelnika da pauzu traži kako bi predložio on povjerenika za MZ Maglaj-grad, koji bi dobio kao i svaki drugi povjerenik obavezu da u ovom roku izvrši sve tehničke pripreme zajedno sa Službom za BiZ, opću upravu i društvene djelatnosti, da se i ovdje sazove Zbor i da se izabere Vijeće MZ.

Vijećnik Safet Jašić, meni je drago da pomalo stavljamo sve mjesne zajednice, pokušavamo bar za ovom govornicom staviti u isti položaj. Nikad nije bio problem izbora u mjesnim zajednicama. Nikad ni danas nije. Sjetimo se početka mandata kad ste se falili ovdje da idete da uredite oblast po pitanju mjesnih zajednica da je to katastrofa. Tri godine smo vas čekali da uredite tu oblast. Izašli ste na prošloj sjednici samo sa informacijom gdje nije bilo ni to, samo se tačka zvala Informacija o provedenim aktivnostima u mjesnim zajednicama. Ni danas nisu problem izbori, ali hoćemo sad da vam kažemo da ste zabranili, da ste zaustavili izbore na početku mandata u mjesnim zajednicama, zaustavili ste izbore u svim mjesnim zajednicama. Ja sam proveo izbore odnosno moja mjesna zajednica je provela izbore. Pozvao sam vas da provjerite sve informacije na terenu, pismeno evo i sad ima tu 2017.godine. Poslo sam vam dopis da dođete da provjerite da li su izbori regularni, još neke su to mjesne zajednice uradile, ne falim ovo što sam ja uradilo kao predsjednik MZ. Nego sramota je tri godine razvlačit i sad ste to tempirali, znamo mi zašto je to, ovo je sve političke odluke koje se donose po pitanju mjesnih zajednica. Ja sam prošli puta rekao nije dobro, pustite neka se završe općinski izbori sad. Kad ste pustili tri godine pustite i ovo nekoliko mjeseci koliko je ostalo. Izbori nisu problem, nama je važno da MZ rade, da građani imaju koristi od Vijeća MZ, ali ovo je jedna istina. Nabrajali ste niz stvari koje nisu tačne bile koje su sve u Službi bile, sve mi imamo sve smo vratili nazad i ako treba sve ćemo vam jednu po jednu odluku o osnivanju MZ predočiti ovdje, ako vi ne znate naći, ili ako ih nema ili ne daj bože na spratu poplava ih odnijela. Samo je to problem. Znači nije problem izbor u mjesnim zajednicama, ko god hoće da bude ima boljih predsjednika nek radi svi ćemo ga podržati, samo da radi mjesna zajednica i da je dobro građanima. Samo je ovo problem. Neću čitati ponio sam ovo pismo od Federalnog ministarstva za pravosuđe, neću ga čitat namjerno, ako vam to nije bilo dovoljno i ako niste imali dovoljno vremena da uredite ovu oblast, onda bi bilo korektno da kažete nismo uradili i pustit ćemo da se izvrše izbori ali onako kako sam ja rekao malo prije. Da ne bude ja to nešto navijam. Samo je tu problem evo danas ste imali situaciju takvu, donosite nam odluku, prije ste donijeli zaključak, nakon pola sata ne govorite isto. U Odluci stoji jedno, a vi ste rekli drugo. Ja ne želim nikoga da učim da radi, ništa prije nije valjalo, sad sve dobro. Mjesne zajednice su nama u interesu, nama lično i meni i svima ljudima iz MZ, više možda nego i Općini i bilo kome. Ja ne mislim možda neko kaže i što ne bi trebo da kaže iz neznanja, ali mislim da je ovo realno što mi govorimo i dajte d uredimo te MZ, nek se provede procedura. Zašto smo organizovali javne rasprave po pitanju Statuta. Pa nije ih niko ni pogledao, pa da kažete evo ovo ide, pa da donesemo odluke o Statutu svake MZ, da se ovdje iznesu i da se usvoje Statuti pa da idemo u izbore, da uredimo koliko bilo. Ove tri godine su praktično na jedan način razdvojile neke mjesne zajednice. Neke su radile i dalje u kontinuitetu. Gdje god je povjereništvo imenovano, tu je bilo dan za dan pa ko prođe, prođe. Eto to je razloga i što se tiče Kluba Edo se javio i možda će još nešto reći. Ali ovo je razlog, niko se ne otima za ovo da to prestane život zbog mjesne zajednice. Mjesna zajednica je nama bitna karika u lancu ove vlasti i mi koji živimo po mjesnim zajednicama, znamo to dobro. Kako je kad radi, i kad ne radi. Što se tiče MZ Maglaj-grad, to je trebalo davno povjereništvo uvoditi, kako ste uveli u drugim MZ, što niste u Maglaj-gradu uveli. Neravnopravan položaj mjesnih zajednica.

Vijećnik Josip Jurišić, - replika

Ja ću kratko repliku gospodinu Jašiću, reče Jašić da dvije mjesne zajednice od prilike tri koje rade dobro, a gospodin Fermić, da ni jedna ne radi. Ispravka odnosi se na to, imali smo malo prije po onom programu kapitalnih ulaganja gdje se 17 mjesnih zajednica javilo sa svojim projektima, ono je trebalo sjeti, pa napraviti one projekte, pa donijeti, pa izračunat koliko to košta. Znači 17 mjesnih zajednica ipak radi. Nije tačno da radi samo nekoliko MZ, ili da gotovo ni jedna ne radi. Tri koje nisu ni jedan prijedlog donijele po kapitalnim ulaganjima su mjesne zajednice Čobe, Bakotić i grad Maglaj. Ostalih 17 su dale po 5,6, i 7 prijedloga tamo ima. Dakle, ipak MZ rade, nije to tolika katastrofa koliko se želi prikazati da je nerad nekakav veliki.

Vijećnik Hajrudin Fermić, ispravka krivog navoda

Neću hoću gospodinu Jurišiću samo da ponovim, nisam ja rekao da ne rde, ja sam rekao da je u 18 mjesnih zajednica istekao mandat vijećnicima odavno Vijećima MZ. Istekao je mandat Vijećima, mi smo svojom odlukom nekoliko puta povjereništva uvodili tamo gdje nije bilo Vijeća, tamo gdje su bila Vijeća ona su nastavila svoj rad do momenta kako stoji u zaključku iz marta mjeseca 2019.godine do momenta kad Općinsko vijeće donese odluku o jednoobraznom izboru u MZ. Dakle, nisam rekao da ne rade, nego samo da su im istekli mandati i da su oni praktično u funkciji povjereništava nastavile neke MZ 4 godine, neke 3, neke godinu, neke mjesec, evo jednoj mislim u Moševcu upravo ističe mandat aktuelnom sazivu Vijeća. To je što se tiče replike vama.

Što se tiče gospodinu Jašiću kad je zaključak bio pripremljen, to je bio 31.01. 31.03. je dva mjeseca. Samo što je ovdje stavljeno 60 dana a tamo je bilo do 31.03. eto to je ta razlika.

Vijećnik Edib Delić, ja sam i na prošloj sjednici govorio na ovu temu, ali moram kazati par stvari. Gospodin Fermić je rekao da je po isteku mandata u MZ produženi, odnosno uvedena povjereništva. Nije tačno, mi smo zaključkom definisali da se produžuje rad svim MZ dok se ne izvrše izbori. Ali je rečeno prije da su uvedena povjereništava, međutim, nije to tako. Mi hoćemo da provedemo izbore u skladu sa zakonom i važećim statutima. Ovdje se u članu 3. Ove ponuđene Odluke spominje Odluka o osnivanju i potvrđivanju mjesnih zajednica. Ona je znamo svi u suprotnosti sa važećim statutima mjesnih zajednica. Sad si pominjao promjene, maloprije u prvom izlaganju si iznio da su u Odluci sami izvršen način biranja drugi i treći puta, znači to nije u skladu sa statutom mjesnih zajednica. Ovdje dovodimo u pitanje šta je starije ili odluka ili statut. Ja ću ispoštovati izbore po ako se donese Odluka, izbore po svom važećem Statutu. Znači ova Odluka za mene nije starije nego moj postojeći Statut. Jednostavno svi smo radili dvije tri godine smo radili na donošenju novih statuta, odjednom se stalo, šta je u pitanju, ja ne znam, trebalo se nastaviti s tom aktivnošću uraditi nove statute, dostaviti mjesnim zajednicama i ovdje dostaviti na potvrđivanje i onda ići na izbore. Ovo ne znam šta se hoće s tim uraditi.

Vijećnik Hajrudin Fermić, replika, prvo ako i jesam rekao, poštujući vijeća mjesnih zajednica kojima je istekao mandat, Odlukom ovog OV produžili smo rad do momenta dok ne raspisemo, a tamo gdje nisu radili rekao sam povjerenike uveden, ne povjereništvo, osim u MZ Maglaj-grad gdje trebamo to danas da uradimo. Ima nešto što se uporno ovdje zamajavamo, a to je kaže nije u skladu. Lijepo Statut Općine Maglaj kaže, to isto kaže i Zakon o principima lokalne samouprave prepisan bukvalno u našem Statutu. Dakle izbori se dalje rade, vrše u mjesnim zajednicama u skladu sa Statutom Općine Maglaj, Odlukom o osnivanju i Statutom MZ. MI imamo odluku o osnivanju, Statuti mjesne zajednice trebaju da budu usaglašeni, pa naravno da nisu zato i stoji u ovoj Odluci da će se raditi po važećim oni koji jesu usaglašeni sa Odlukom o osnivanju. I šta je ovdje problem, ovdje je problem u tome samo što se olakšava u ovoj Odluci o osnivanju vama kako da provedete izbore.

Predsjedavajuća, nemojte diskutovati s mjestu.

Vijećnik Mustafa Buljubašić, mi ovdje imamo da li tumača zakona i prava koji radi u Službi Općine, ili imamo dopredsjednika koji sve zna. Pa on kaže nije to ništa to je samo promijenjeno da bude tri puta, da bude jednom ili dva puta a sve ostalo ostaje isto. Ako je to tako, zašto onda izlazimo i dajemo odgovor na svako pitanje. Sve što je rekao Safet Jašić i što je rekao Delić je ispravno i ja znam iz rada MZ iz prijašnjih vremena i ovog sad. Nije to da je samo promjena ta, kroz ovo će se proturiti i neke druge stvari za koje se ti zaklinješ da neće, ili se žele da proture. Pa jedan primjer, ovdje su dva sudionika izbora za Savjet i za Predsjednika MZ itd. u mojoj MZ koji su bili prije tri godine. Šta se desilo? Desilo se da su građani bila je gospođa Azra i bio je moj kolega iz MZ Lokmić Nedžad. Izabrali smo savjet MZ u stvari mi smo se i dogovorili da budemo i ja i on u Savjetu da bi pogurali malo rad da to ide. Bilo je uspjeha kad je u pitanju vodovod i ostalo, međutim, u mene se desila jedna prepirka između mene i Načelnika i mene je Načelnik obavijestio, što je i uradio da ja više nikad kao član Savjeta MZ s pravom potpisa, jer smo se tako dogovorili, nisam zovnut na sastanak Savjeta MZ, na sastanak MZ itd. To je sramota koja se dešava, a to se opet želi da naturi da bi se direktno uticalo, šta će se i kako će se i s kim će se raditi. Nikada nisam više zovnut na Savjet na sjednicu MZ ni na Savjet MZ, niti mi je ikad više predsjednik MZ donio papir da je potpišem koji sam dotle potpisivo jer se nije moglo ništa uraditi niti dignit ako se ne potpiše virman, ja i Lokmić smo bili potpisnici virmana. To se želi da napravi i to je taj problem, ništa drugo nije problem. To mi znamo i zato ja ovo nisam podržao i neću podržati.

Načelnik – ispravak krivog navoda – mene bi bilo sramota u ovim godinama govoriti ovakve stvari za govornicom. Ja što sam polemisao sa gospodinom Buljubašićem to je bilo za ovom govornicom, pa nikad nism pomenuo MZ, niti me interesuje jestel u MZ ili niste, da li idete na sastanke da li ne idete, to je vaš problem i rješavajte u svojoj MZ. To nema nikakve veze sa mnom.

Vijećnik Mustafa Buljubašić, replika – istina je da niste to direktno meni rekli, ali slijed događaja sa onim s kim radite ukazuje i govori na to. Pa nismo mi toliko glupi.

Predsjedavajuća, molim vas da se vratimo na tačku dnevnog reda, a to je Odluka o raspisivanju izbora za članove Vijeća MZ.

Načelnik općine, replika – drago mi je da ste za minut izašli jedno rekli, pa izašli i priznali da ste slagali. Sad ste rekli da vam nisam nikad rekao, pa i nisam vam nikad rekao, a vi i vaše ponašanje u MZ sa vašim kolegama iz MZ rješavajte, ja sam se rodio u toj MZ, ne živim u toj MZ, nisam član MZ, prema tome imate mještane Bijele Ploče. Drago mi je da u tim godinama možete slagat pa se za minut popraviti.

Vijećnik Mustafa Bešić, ja bih molio da spustimo tenzije, što se tiče mjesnih zajednica. Evo ja vodim mjesnu zajednicu. Ja skidam kapu onom svakom ko se zauzme da bude dio, a ne predsjednik MZ. Imam jako velikog iskustva u svemu tome. Vjerujte mi ne vidim nikakav problem i osjećam potrebu da se to treba sprovesti. I meni je istekao mandat ko i većini predsjednika, a ko god živi u jednoj od mjesnih zajednica, pa nema osobe koja ne voli svoju mjesnu zajednicu. I ono što sam uradio, ja sutra ne budem, ja skidam kapu i dat ću mu veliku podršku, ko god nastavi. Ono što sam uradio za svoju MZ osjećam se ponosno i hodam uzdignute glave i ne vidim problem neka ide svojim tokom sprovest ćemo izbore. Znam da će biti teško, bit će teško dovesti ljude, ja vam govorim ispred svoje MZ Domislica. Mi nemamo 10-15 ljudi sve nam je po terenu, rade ljudi. Kako ćemo sprovesti vidjet ćemo. Pokušat ćemo sprovesti u ruku. Svim MZ bit će teško. Svaka MZ koja ima 700 treba dovesti više ljudi preko 1000 stanovnika. Bit će nam teško, nek nam je sa srećom i ko god bude čestitam mu ko se zauzme za svaku MZ.

Vijećnik Safet Jašić, ja ću samo jedno pitanje postaviti Službi, ne želim nikoga da prozivam. Zašto su zaustavljeni izbori koji su trebali biti provedeni 2017.godine? Dobro je prethodnik moj rekao nije lako raditi u MZ i nije sad to ni bitno. Ako su zaustavljeni izbori, moralo se nešto iz ove oblasti uraditi, popraviti, doraditi a ne raditi istu stvar nakon tri godine. Znači nismo imali potrebe da zaustavljamo izbore. Iz tih materijala i ta odluka koja je slijedila mi smo se obratili Federalnom ministarstvu. Samo ću dvije rečenice pročitati. A nisu problem izbori neka idu kako idu.

Ono što smo mi poslali Federalnom ministarstvu iz materijala koji ste dostavili može se zaključiti da je OV Maglaj donijelo Odluku o izmjenama i dopunama Statuta MZ, dopis Službe za BiZ, opću upravu i društvene djelatnosti da ne čitam broj, i pored toga što je članom 96. Statuta Općine Maglaj propisano da Statut MZ usvajaju građani na svom zboru, a da konačnu verifikaciju Statuta MZ daje OV. Na osnovu svega iznesenog može se zaključiti izbora, organizacija i rad organa MZ utvrđuje Statutom MZ, a ne Odlukom OV koja mora biti u saglasnosti sa Statutom Općine Maglaj. Ništa drugo nema izbori nisu bili sporni ni prije tri godine ni sada. I tada smo govorili dajte da se to završi. Ne, neću reći ni pojedinci ni iko, insistiralo se na promjeni Statuta na uređenju oblasti itd. i evo došli smo danas na isto. E to je sad problem o kome mi govorimo. Možda ne bi diskutovali uopšte, kaže Služba pošalje MZ dopis da se izvrše izbori i mi to završimo. Ne bi uopšte bio problem, ni sada nije problem.

Vijećnik Hajrudin Fermić, prije svega samo da odgovorim gospodinu Jašiću da je 2017.godine formirana Mješovita radna grupa predstavnika od svih političkih subjekata da naprave jednu odluku koja bi trebalo da izvrši ova sva pitanja itd. pa između ostalog i reformu. U toj radnoj grupi svoj su doprinos dali, ili nisu dali pojedini članovi, ono što je došlo ovdje na sjednicu Vijeća, što je usvojeno to je bio povod određene grupe ljudi iz te radne grupe. Nakon ovog pisma koje vi sad čitate i mišljenja Ministarstva, mi smo samo dobrom voljom kao većina rekli nećemo da ulazimo u takvo nešto, nećemo hajde da idemo ponovo iz početka d se dobije koncenzus i saglasnost u ovoj priči. Naravno od vas je nikad nismo uspjeli dobiti, govorim od Kluba SDA i ona je ovakva kakva jest. U priloge ovoj činjenici da je ovdje interes i volja većine zaista bez ikakvih zadnjih namjera je ta da smo mi zaista mogli da donesemo odluku i 2017.godine da provodimo izbore onako kako smo mi tada zamislili, kako smo željeli i ona bi sigurno prošla. Postoje prakse i pravila i općine Tešanj, Tuzla i još nekih općina u kojima OV bira Vijeće MZ, povjereništva itd. I mi imamo to autonomno pravo. Ovi Statuti koje vi spominjete MZ koje čitate u mišljenju Ministarstva tačno stoji Statuti se usvajaju na Zboru, a konačno saglasnost daje OV. Mi zajedno sa predstavnicima Službe koji su radili tu vidim gospođu Čakramu mi nismo našli ni jednog jedinog Statuta koji je prošao tu zvaničnu zakonsku verifikaciju. Mirsade Bejziću radiš u administraciji i mislim da bi ako si znao da postoji nešto mislim da si trebao da pomogneš da se dođe do toga. Ja tebe prozivam zato što je taj tvoj osmijeh pokazao da nešto znaš, a mi u onom momentu kao radna grupa, tadašnja šefica Službe, sadašnja radnica je rekla da nema ni jedne. Tražili smo i pretraživali sve Službene glasnike, da nađemo gdje je da i jedna MZ ima, nismo našli. I to je dokaz da se vidi ko u stvari ne želi bilo kakvu normalnu demokratsku proceduru u izborima u MZ.

Vijećnik Mirsad Bejzić, izašao sam samo vama dopredsjedavajući da kažem da se vama ja nisam ničim obratio, niti bilo šta rekao za ovo što ste vi iznosili i nema apsolutno potrebe da vi komentarišete ili nešto prejudicirate i stvarate insinacije o bilo čemu. Svoj profesionalizam na radnom mjestu ja sam davno dokazao, što može moja direktno pretpostavljena šefica ako treba i da potvrdi. Ako smatrate da ja nešto ne radim kako treba ima tu i Načelnik i kao moj šef pa može provesti i raznorazne kontrole da vidi radim li ja svoj dio posla onako kako trebam ili ne radim. A vi ne bi trebali u to da se upuštate.

Načelnik, - replika – nemojte nepristojno je Načelnik jeste Načelnik, ali svi uposlenici imaju svoje šefove Službi i prve adrese rješavanja svih problema ako imaju i zasluga koje imaju i načina rada i odgovornosti su šefovi Službi.

Ja neću da komuniciram sa pojedincima da gubim vrijeme na te stvari. Dakle, poštujujte hijerarhiju, poštujujte organizaciju, poštujujte svoje šefove, ali nemojte se kleti u ta poštenja Bejziću nasmijali ste se cinično i nije vam to prvi put, a kad ste već isprovocirali mene da vam ja kažem za vaše stavove. Vi ste vijećnik koji radi u općinskoj administraciji. Nikad niste podržali Budžet koji vas hrani, nikad. Nikad niste podržali izvještaj a i vi ste dio to izvještaja o radu općinskih službi. I treća stvar zbog koje sam izašao jedino zbog koje sam izašao ovaj uvod. Na prošloj sjednici kao vijećnik ste napustili sjednicu OV. Niste dakle, svoj vijećnički mandat ispunjavali onako kako treba. U redu imate pravo da napustite sjednicu OV, napustili ste sjednicu OV, niste se vratili na svoje radno mjesto, nego ste otišli. To je sramota od vijećnika i uposlenika Općine. E to su stvari koje treba provjeravati.

Predsjedavajuća, izvolite Bejziću, ali dajte da se vratimo na tačku dnevnog reda, a to je Odluka o raspisivanju izbora za članove Vijeća MZ.

Vijećnik Mirsad Bejzić, za napuštanje sjednice, ja djelujem u okviru Kluba vijećnika SDA i tako se i ponašam i tako postupam. A po pitanju vraćanja na radno mjesto za sjednicu OV ja uzimam dan godišnjeg odmora, prema tome, ako mi je to dan godišnjeg odmora, apsolutno nema potrebe da se vratim na svoje radno mjesto.

Načelnik općine, ispravka krivog navoda – ja ne znam kako ljudi mogu gledati u kameru, gledati u oči i iznositi laži. Zar se ne sjećate Bejziću da ste došli kod mene u kabinet i pitali da li možete ići na sjednice Vijeća jer ćete morati uzimati dane godišnjeg odmora i ja vam rekao da nisu ni prije vas niko uzimao dane godišnjeg odmora, nego su išli sa radnog mjesta i tako ste dobili od Načelnika dozvolu. Nemojte sad unositi, sramota je to, sramota od ozbiljne osobe. A ja vas smatram ozbiljnom osobom jer se nalazite na ozbiljnom radnom mjestu u kontaktu sa strankama.

Vijećnica Dženita Smajlović, ja moram da reagujem na ovu Načelnikovu konstataciju za gospodina Mirsada. Ako ćemo već pričati o izostanku sa sjednice možda je Mirso dva-tri puta izostao nije do kraja ostao na sjednici, a na vašoj strani sigurno ima vijećnika koji nisu mjesecima dolazili na sjednice, tako da ne možete o tome pričati.

Pauza za Klub SDP-a

Predsjedavajuća, ja vas samo molim da se u svojim diskusijama pridržavate tačke dnevnog reda, a to je Odluka o raspisivanju izbora za članove Vijeća MZ.

Vijećnik Safet Jašić, mislio sam da će poslije pauze biti neka vaša reakcija ili stav, ali ja kao predsjednik Kluba SDA imam pravo i obavezu da reagujem na ovu malopredašnju diskusiju. Ne možemo svi biti iz iste partije i svi iz neke partije dolazimo. Tako i Mirsad Bejzić koji je uposlenik Općine i koji radi u Klubu SDA. Za nas ovo za Klub vijećnika je klasični mobing. Druga strana ima sasvim dovoljno vijećnika da izađe, da replicira da ispravlja krive navode itd. što se ne tiče Načelnika ni u jednoj diskusiji po pitanju materijala nije se ticalo Načelnika. Ne mora Načelnik na svaku našu primjedbu osuđivati nas ne znam ni ja za što sve, da smo lažovi, da smo ovo ili ono. Ali ovo je klasični mobing i Mirso to ne mora uraditi, mi ćemo kao Klub prijaviti Agenciji za mobing na uposleniku.

Predsjedavajuća, samo da vam kažem sa su Služba i Načelnik konsultovali jedni druge i da su predložili po ovom prijedlogu koji je bio u okviru diskusije za povjerenika Maglaj grada gospodina Smajić Azura za povjerenika, tako da kad budem davala prijedloge zaključaka da znate i o kome se radi, zaključujem raspravu i u okviru svih diskusija iznesena su dva prijedloga, dajem na glasanje

ZAKLJUČAK

5.1. U članu 3. Odluke izvršiti izmjenu i umjesto 31.03.2020.godine da stoji 20.04.2020.godine.

5.2. Zadužuje se Služba za BiZ, opću upravu i društvene djelatnosti da imenuje Povjerenika za MZ Maglaj-grad gospodina Smajić Azura.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 12 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

5.3. Donosi se Odluka o raspisivanju izbora za članove vijeća mjesnih zajednica na području općine Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 12 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

Predsjedavajuća, da li se slažete da poslije 6. tačke dnevnog reda napravimo pauzu za ručak u 12,30 sati.

Predsjedavajuća, Načelnik je već u svom prvom izlasku najavio da će morati napustiti sjednicu radi daljih svojih obaveza.

AD – 6 Odluka o pristupanju Sporazuma gradonačelnika/načelnika za klimu i energiju i izradi Akcionog plana za održivu energiju i borbu protiv klimatskih promjena, (Sustainable energy and climate action plan –SECAP);

Predsjedavajuća, nije bilo rasprave zaključujem raspravu i dajem na glasanje

ZAKLJUČAK

6.1. Donosi se Odluka o pristupanju Sporazuma gradonačelnika/načelnika za klimu i energiju i izradi Akcionog plana za održivu energiju i borbu protiv klimatskih promjena, (Sustainable energy and climate action plan – SECAP).

Glasalo za 25. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Pauza za ručak do 13,00 sati.

Sjednica počinje sa radom u 13,10 sati, nisu prisutni vijećnici Kluba SDA i Mustafa Buljubašić.

AD – 7 Prijedlog Odluke o prosječnoj građevinskoj cijeni 1 m² korisne stambene površine na području općine Maglaj za 2020. godinu;

Predsjedavajuća, na posljednoj sjednici imali smo Nacrt , dali rok za provedbu javne rasprave, imamo prijedlog Odluke i pretpostavljam da je javna rasprava obavljena. Materijal uz obrazloženje je dostavljen.

Nedžad Čatić, uvodno izlaganje

Ova Odluka o prosječnoj građevinskoj cijeni Nacrt je bio na prošloj sjednici Općinskog vijeća, uz zaključak da se održi javna rasprava i da se pripremi za slijedeću sjednicu. OV prijedlog. Održana je javna rasprava 11.02. i sad smo uradili prijedlog Odluke. U prvom članu je ostavljen iznos prazan. Mi smo u pripremi ovoga još u decembru i januaru tražili od građevinskih firmi, građevinske cijene stana gdje su nam dostavile četiri građevinske firme i prosjek te građevinske cijene je 722,50 KM/m². Na održanoj javnoj raspravi je prosjek 725,00 KM/m², a dosadašnja odluka koja je još uvijek važeća iz prošle godine je 730,00 KM/m², pa se vi u tom smislu trebate odrediti.

Otvaram raspravu

Vijećnik Hajrudin Fermić, ova Odluka je dugo godina i prije ovog saziva OV , ja sam računao bila zadnjih 8 godina 700,00 KM/m² i ona je na isti ovakav način i po ovom principu kako i Čatić reče donesena ali bez obavljanja javnih rasprava. Javne rasprave su se obavljale u 2017, 2018, 2019. Godini i evo ovaj mandat završavamo 2020. Godine donošenjem ove Odluke o prosječnoj građevinskoj cijeni m² korisne stambene površine. Prošle godine smo mi praktično povisili za nekih 30,00 KM dakle, ovo što je bilo ranijih godina sa 700,00 KM na 730,00 KM/m², evo vidim sad da su kroz ove konsultacije sa građevinskim firmama 722,00 KM tako oni predložili. Ono što ja uporno sam govorio i na početku mandata, a evo i sad i bio sam na svim javnim raspravama osim ove posljednje, vidio sam na web portalu je činjenica zapravo u Zakonu o građevinskom zemljišta je prilično striktno propisan način kako se dođe do ove cijene. Nije to samo da se zahtijeva od tri-četiri građevinske firme da one kažu eto to je tako, nego tu treba uzeti u obzir i posljednji statistički podatak Federalnog zavoda za statistiku koji govori o toj cijeni i ja znam da je posljednji zvanični podatak za područje van Sarajeva 1.520,00 KM/m². U tih 1.520,00 KM je 10% onog prosjeka kojeg zauzima cijena građevinskog zemljišta, 70% od prilike je ono što je potreba da se radi stambeni prostor da se izgradi, a 20% je dobit. Dakle, u tih 70% je sve i one dozvole, rente itd. a 20% je dobit investitora koji radu tu zgradu, odnosno koji daje na tržište stambenu površinu. Naravno da sam ja namjerno postavio ovaj parametar Federalnog zavoda, zbog toga što svako pomjeranje 1,00 KM u ovoj našoj Odluci ima posljedice za naš Budžet. Ako mi sad kažemo da je to 730,00 KM/m², onda se i KGZ i renta i druge naknade one se po tom procentu izračunavaju od ove cijene koju mi danas utvrđujemo. I nije isto ako je 730,00 KM, znači više para ulazi u Budžet. Ali se postavlja pitanje svih onih koji plaćaju to, kako on osjete, zato je vrlo osjetljivo pitanje i zbog toga sam ja tražio te javne rasprave. Nažalost one su uvijek ovako malo posjećene bile, 4,5,6 i to uglavnom predstavnika građevinskih firmi itd. Dakle, ja sam za prijedlog da ova cijena ostane kao i prošlogodišnja. Vidim nema Služba svog mišljenja, ne znam da li je Komisija zauzela stav, nije Predsjedavajuća prozvala Komisiju, tako da mi je najlogičnije da ona bude 730,00 KM/m², znači na nešto što su i

oni koji su obveznici plaćanja ovih naknada i navikli da plaćaju toliko. To je moje mišljenje i koliko god izgleda formalna ova odluka, ona nije formalna. Treba voditi računa, čak sam jednom tražio i od šefice za Budžet da nam ona kaže šta ako povećamo za 20% koliko se to u Budžetu osjeti povećanje ili smanjenje onih stavki koje smo mi već planirali u Budžetu da dođu kroz ove naknade. Iz tih razloga ja ne bi ništa ni rizikovao nego da ostane ista ta od 730,00 KM/m².

Vijećnica Irena Herceg, vijećnici Kluba SDP-a su razmatrali ovaj materijal na Klubu i mi kad smo razmišljali o ovoj cijeni 1 m² vodili ovom rečenicom gdje piše da je održana javna rasprava ista je rezultirala prijedlogom učesnika da visina prosječne konačne građevinske cijene jednog m² iznosi 750,00 KM/m², ali vi ste sad rekli da je prosjek 720,00 i da je to prijedlog odnosno da je to rezultat javne rasprave, pa ako možete da objasnite.

Nedžad Čatić, jesam ja rekao da je rezultat javne rasprave 725,00 KM, zato što su prisutni na javnoj raspravi iznijeli da je to 750,00 KM. Pismeno se obratila firma „Alu Wood“ i „Zanati“ d.o.o. oni su pismeno se obratili i na javnu raspravu poslali su svoj dopis da ostaju pri svojim cijenama znači 700,00 KM/m² je „Alu Wood“, tako da je to u stvari 725,00 KM a mi smo prihvatili to kao da su bili na javnoj raspravi. O tome se radi.

Ova građevinska cijena se koristi kod nove gradnje, ona ne utiče na obračun, nema više KGZ KN, znači samo kod novogradnje gdje se u odnosu na nju obračunava renta. Znači renta po m² korisne površine kod nove gradnje i samo ima primjenu u tom dijelu. Tačno je da nije bilo javnih rasprava prije i u zakonu nije predviđena da bude javna rasprava. Zakon poznaje da se uzimaju prosječna građevinska cijena na području jedne općine. Znači ne može ona biti ista u Maglaju i u Sarajevu. Zato mi uzimamo iz Maglaja tu građevinsku cijenu stana, ni tržišna cijena nije ista u Maglaju i u Sarajevu i zbog toga je to tako. Ima tamo to piše da se može tokom godine mijenjati ukoliko dođe do drastičnih promjena, tako da se može u toku godine promijeniti ta cijena.

Vijećnik Hajrudin Ferić, replika – sad sam se malo zbunio, znači nije samo tako, moram da repliciram, ne dolazi se samo tako do te visine, dolazi se i poštujući, konsultujući i posljednje podatke Zavoda za statistiku, statističke podatke koji govore o tome. Piše zvanične institucije. Dakle, ima i to, ima i treći još jedan element. Kad se sve to sabere i oduzme, a to su različiti imputi, različite su visine cijena. Predstavnicima građevinskih firmi, naravno odgovara da oni predlože niže i to je ono što njih buni, oni misle da oni moraju da plaćaju da prodaju, a zapravo se izvodi kako ti reče, mada ja znam da je planirano u Budžetu puno manje sredstava koje su planirane za KGZ i ja koliko znam taj Ustavni sud tu ima puno dilema, ali je tačno i decidno rečeno. KGZ plaćaju vlasnici onih prostora koji se nalaze i dalje na državnoj zemlji, ako takvih ima. Ali kako se planira u Budžetu čini mi se 30 ili 40 hiljada ja pretpostavljam da u Maglaju još uvijek takvih ima. Ovi koji su na svojoj zemlji oni ne plaćaju odlukom Ustavnog suda. Da li ima objekata koji su na državnoj zemlji, oni su obveznici plaćanja KGZ i dalje. Ja taj podatak nemam, iz tih razloga kad je bio Pravobranilac ja sam tražio tu informaciju da mi znamo, ali ja vidim da se planiraju neka sredstva iz Budžeta za KGZ. Imamo već neka tri ili četiri prijedloga. Prvi prijedlog je bio predstavnika građevinskih firmi, oni su jedan od tih subjekata, drugi je prijedlog bio moj da ostane ista. Treći ovaj kako sam ja vas razumio da se poštuje ono sa javne rasprave. To je nekakvo šarenilo.

Vijećnica Selma Avdić, stav Kluba SDA je da cijena po 1 m² korisne stambene površine na području općine Maglaj za 2020.godinu je 730,00 KM.

Vijećnik Mirza Bradarić, ima mala dilema, da budem iskren ja gospodina Čatića iz njegovog izlaganja nisam razumio šta u stvari, šta je njegov prijedlog, šta je prijedlog Službe itd. Mi smo se ovdje držali ove račune, koja kaže da je nakon javne rasprave, nakon učesnika u javnoj raspravi da je rezultiralo time da cijena m² bude 750,00 KM/m². Evo i ja ću sad zamoliti obzirom da je šefica Službe za finansije tu, hoćete molim vas izaći objasniti, koja je razlika po Budžet Općine Maglaj sa cijenom od 730,00 KM i sa cijenom od 750,00 KM. Kolika je razlika, ima li tu velike razlike, pa d vidimo da ne bude ni Budžet oštećen, a da ne budu ni ovi ljudi koji će biti uključeni u ovo oštećeni. Mi smo samo iz materijala pročitali da je nakon javne rasprave, tako piše ovdje da je prijedlog učesnika bio da bude 750,00 KM/m².

Nedžad Čatić, prijedlog učesnika javne rasprave koji su bili na javnoj raspravi je 750,00 KM/m². Ovdje piše upućen javni poziv za javnu raspravu „Alu Wood“ inženjering obavijestio je Službu da zbog ranije preuzetih obaveza nije u mogućnosti prisustvovati javnoj raspravi te u prilogu dostavljaju njihov prijedlog od 700,00 KM/m². Mi smo prihvatili imamo dva prijedloga s javne rasprave 750,00 KM od onih koji su bili lično prisutni i ovi koji su nas obavijestili da ostaju pri svom prijedlogu. Zato sam rekao da je to 725,00 KM/m² prosjek sa javne rasprave. Ali sam neki prijedlog mi kao Služba nismo ni dali ima tu nekih tri prijedloga, to je stvar Vijeća kako će odlučiti u tom dijelu. Do sad je bilo 730,00 KM/m².

Vijećnica Selma Avdić, mi smo išli po tom kriteriju da je ovo bilo na prošlogodišnjem nivou. Od prošle godine nije se ništa promijenilo, tako da smo mi smatrali da bi trebala ostati ta cijena od 730,00 KM/m². Mi smo išli s tom logikom nismo imali nikakvih promjena da bi cijena trebala ostati na prošlogodišnjem nivou od 730,00 KM/m².

Pauza za Klub SDP-a

Vijećnik Mirza Bradarić, mi smo imali do ove tačke nekakav stav međutim, malo nas je sve ovo zbunilo i ono što je najinteresantnije, kolega Selma je rekla zaista nije bilo nikakvih povećanja, nikakvih dizanja cijena bilo, malo su nas zbunili ovi prijedlozi od određenih firmi sa 750,00 KM itd. tako da bi našli tu neku zlatnu sredinu ja

moгу ispred ovog koalicionog bloka mi smo saglasni neka cijena ostane na prošlogodišnjem nivou tj. 730,00 KM/m².

Predsjedavajuća, zaključujem raspravu i dajem na glasanje

Z A K L J U Č A K

7.1. Donosi se Odluka o prosječnoj građevinskoj cijeni 1 m² korisne stambene površine na području općine Maglaj za 2020. godinu.

Općinsko vijeće Maglaj utvrđuje cijenu od 730,00 KM/m².

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Nije prisutan vijećnik Vehabović Elvir.

AD – 8 Prijedlog Odluke o prodaji nekretnine neposrednom pogodbom Nalić (Ibrahim) Enveru i Nalić (Mehe) Ibrahimu iz Maglaja, radi oblikovanja građevinskih parcela sa prilaznim putem;

Nedžad Čatić, Odluka o prodaji nekretnine neposrednom pogodbom Nalić (Ibrahim) Enveru i Nalić (Mehe) Ibrahimu iz Maglaja, radi oblikovanja građevinskih parcela sa prilaznim putem, prije ove Odluke je donesena Odluka o gubitku statusa javnog dobra pošto se tu radi o zauzimanju dijela javne površine to je bilo na sjednici OV 05.12.2019.godine. Mi smo pripremili, ta Odluka je provedena tako da je taj dio zemljišta upisan na Općinu Maglaj i pripremljena je Odluka o neposrednoj pogodbi gdje je Komisija za procjenu nekretnina dala svoj prijedlog cijene od 14,00 KM/m².

Otvaram raspravu

Vijećnica Muminović Ermina, s obzirom da se ovdje radi o prijedlogu Odluke o prodaji nekretnine neposrednom pogodbom Nalić (Ibrahim) Enveru i Nalić (Mehe) Ibrahimu iz Maglaja, radi oblikovanja građevinskih parcela sa prilaznim putem, a uvažavajući činjenicu da je Klub vijećnika SDA pristiglo anonimno pismo od građana sa tog područja gdje navode da ukoliko se to zemljište legalizuje da će doći do ozbiljnog ugrožavanja javnog saobraćaja i same sigurnosti građana, u samom pismu se navodi da predlažu da nadležna Komisija za saobraćaj izađe na teren te utvrdi činjenično stanje. Vođeni time i mi pozivamo nadležnu Komisiju za bezbjednost saobraćaja da izađe na lice mjesta i otkloni sve nedoumice i predloži konačno rješenje po pitanju ovoga i poslije toga će i Klub vijećnika se očitovati o svom mišljenju uvažavajući mišljenje nadležne Komisije za saobraćaj.

Predsjedavajuća, na Vijeće nije došlo nikakvo pismo, da je došlo mi ba vam ga prosljedili kao i sva ostala dokumenta koja prosljeđujemo.

Nedžad Čatić, da li mislimo na isto, jel to na Planama. Nemam pojma taj potporni zid je izgrađen prije 30 godina. Mi smo u tom dijelu imali, to je već postojeći put asfaltni put gdje je jednim dijelom taj put bio i kroz privatno zemljište i bio je uslov da bi se ovo uradilo, da Općina, odnosno on kupi taj dio zemljišta privatnog. Taj vlasnik zemljišta je ponudio Općini, Općina je kupila taj dio zemljišta da bi njemu mogla da proda ovaj dio zemljišta,. To je bilo na ovom Vijeću.

Vijećnik Safet Jašić, imamo jedan promašaj, nismo ponijeli to pismo. Ali zaista se tamo navodi da bi moglo i u narednom periodu biti problema zbog ljudi okolo i da je to dobro ugrožen saobraćaj u svakom pogledu i što se tiče m² nije sporno. Međutim, bojim se da ne uđemo u kakav spor. Ne bi ništa izgubili ako bi se to i ostavilo za narednu sjednicu, da u međuvremenu ode Komisija da to pregleda i da to bude to. Uglavnom nije ovo slučajno ne znam ni ko je poslo, pročitali smo pismo na Klubu, ne znam kako smo ga zaboravili, ja bih ga pročitao i ovdje.

Predsjedavajuća, vas bih zamolila svakako da to prosljedite na Vijeće ako već imate to pismo.

Nedžad Čatić, što se tiče tog potpornog zida, to je potporni zid koji je po njegovoj priči izgradio nekad prije rata da bi spasio objekat jer tu ima klizište to je jedan veliki potporni zid i faktički ako se on ukloni, pitanje je imaju tu dvije kuće i nije baš napravljeno tek tako. Nemam ja ništa protiv, ako ta komisija postoji neka pogleda. Imali smo mi i preprošlu sjednicu možda je tad trebalo reagovati u tom smislu, jer tada smo mi donijeli odluku da to može tako ići.

Predsjedavajuća, na prijedlog Kluba SDA da Komisija za bezbjednost saobraćaja izađe, utvrdi činjenično stanje na terenu i da sa ovom istom tačkom uz nalaz te komisije da se ponovo nađe na sjednici OV. Zaključujem raspravu i dajem na glasanje

Z A K L J U Č A K

8.1. Skida se s dnevnog reda Odluka o prodaji nekretnine neposrednom pogodbom Nalić (Ibrahim) Enveru i Nalić (Mehe) Ibrahimu iz Maglaja, radi oblikovanja građevinskih parcela sa prilaznim putem.

8.2. Općinsko vijeće traži od Komisije za bezbjednost saobraćaja da izađu na lice mjesta, da dostave svoje mišljenje o stanju na terenu.

8.3. Nakon toga Odluka će se ponovo naći na sjednici Općinskog vijeća.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Glasalo uzdržan 1 : Hajrudin Fermić (DF)

Nije prisutan vijećnik Vehabović Elvir.

AD – 9 Prijedlog Odluke o prodaji nekretnine neposrednom pogodbom Bajrić (Salih) Ševalu iz Liješnice, općina Maglaj, radi formiranja građevinske parcele;

Nedžad Ćatić, radi se o sličnoj situaciji, isto tako smo imali 05.12.2019.godine na sjednici OV donesena je Odluka o prestanku javnog dobra da bi se uopšte moglo doći u ovu fazu, odnosno proceduru. Ovdje je Komisija za procjenu dala prijedlog 15,00 KM/m².

Otvaram raspravu

Vijećnik Mirsad Bežić, Klub vijećnika SDA prihvata prijedlog Odluke o prodaji nekretnine neposrednom pogodbom Bajrić (Salih) Ševalu iz Liješnice, općina Maglaj, radi formiranja građevinske parcele.

Vijećnik Hajrudin Fermić, ja sam prije svega temeljito pomno analizirao i jedan i drugi slučaj i išao na lice mjesta i na neki način sam toliko iznenađen sa problemom koji se pokazao da postoji problem gore kad postoji taj problem na tom dijelu Čakalovca-Plane, a u isto vrijeme smo tako jednostavnim kratkim prihvatanjem ovog prijedloga. Ja bih zamolio Adija da pokaže situaciju, dovoljna je ova fotografija da vidite o čemu se radi. Dakle, sa prodajom zemljišta još ovaj metar i po idemo na samu cestu. Gdje su tu bankine, gdje su odvodni kanali, gdje su eventualna postavljanja saobraćajnih znakova, gdje je hiljadu nekih drugih pitanja, više nego šokantno, ovo je pravo u klasičnom smislu lokalni put koji povezuje magistralni put sa naseljima. Ja ni jedan ni drugi prijedlog nisam mislio odbaciti, ali sam mislio da se traži objašnjenje od Službe da mi svi zajedno kažemo šta ako ovaj čovjek odluči da napravi veliki odbrambeni betonski zid, a ima naznaka da to hoće da u slučaju kiše ili poplave sve ode preko puta u Osnovnu školu ili u one druge okolne kuće. To je stanje na terenu, a ono što smo vidjeli u skicama je sasvim nešto drugo iz čega je teško izvući pravo stanje. Dakle, ja zaista molim da ozbiljno ovom pristupimo problemu i mještani gore su skretali pažnju na ovo i da vidimo i nađemo pravu mogućnost. Ovdje se radi zapravo o dosad bespravnoj gradnji koju faktički bi mi trebali da riješimo. Ovdje Zakon o cestama jasno i decidno kaže u nekim svojim članovima, da ne uzimam tamo, ja sam se zaista pripremio za ovu tačku kako, šta i koliko pojasa ne smije da uđe, ali isto tako naravno da mi možemo to da prodamo, ali pod određenim uslovima režima gradnje itd. Iz tih razloga nemojte da olako dižemo ili spuštamo ruke ovdje. Namjerno sam pripremio ovu fotografiju da se vidi stvarno stanje na terenu.

Vijećnik Mirsad Bežić, imajući u vidu da smo mi kao Klub SDA zbog stava kojeg sam ja malo prije iznio, indirektno prozvani kao kako mi to olako donosimo odluke i stavove, pa ću samo pročitati nešto iz obrazloženja ove Odluke. Općinsko pravobranilaštvo Maglaj je u izjašnjenju broj U: 22/19 od 22.11.2019.godine iznoseći navode iz izjašnjenja stručnog lica za urbanizam, izjave stručnog lica za geodeziju izjasnilo se da cijene da su izjave stručnih lica dane u skladu sa strukom i naukom, te da nema smetnji da se predmetnom zahtjevu udovolji. To je temelj na osnovu čega smo se mi rukovodili i zauzeli ovakav stav.

Vijećnik Mirza Bradarić, ja se moram kolegi Firmiću zahvaliti za ovu fotografiju, ali igrom slučaja zbog nekih porodičnih stvari, jako dobro poznajem i ja ovaj reon i ovo nije samo slučaj kod gospodina Bajrića kako stoji u materijalu. Uzduž čitave ove ulice, silaskom sa magistralnog puta pa idući ovom cestom ovih problema ima. Ima već postavljanja betonskih ograda, proširenja svog dvorišta prema cesti itd. Ono što sam ja htio pitati gospodina Ćatića. Je li zaista ovo više nije cesta od javnog interesa?

Nedžad Ćatić, nije ovako kako je na terenu, odluka se ne odnosi na ovo stanje na terenu, na terenu je stanje drugačije. Odluka se odnosi evo možete pročitati ovdje da je dato tako da mora biti minimalna udaljenost od postojećeg asfalta 1,5m, da se može postaviti trotoar. Ovo to stanje nije, taj 1,5 m je projekcija onog balkona gore. Znači projekcija balkona, ograda kako je postavljena nije to stanje koje se odnosi na ovu odluku, niti na onu odluku koja je bila već na ovom Vijeću. To je već nešto drugo. Znači ovo može biti uslov eventualno da se ova ograda mora ukloniti odnosno staviti tamo gdje treba, znači pomaknet se može za jedan metar unutar prema ovom objektu. O tome se radi.

Vijećnica Svjetlana Zamboni, očigledno kao i prethodnom slučaju treba pomiriti neke stavove za interes donošenja neke jedinstvene odluke. Nedžade, da li je moguće da do naredne sjednice Služba ili određena

Komisija za saobraćaj ode i razmotri cijelu trasu, ako bismo mi donijeli odluku za jednog pojedinca u ovom slučaju i dozvolili kupovinu ovog dijela zemljišta za koje je zahtjev i podnesen, pretpostavljam da će i svi drugi vlasnici, da će tu biti lančana reakcija i da će se tražiti kupovina zemljišta kako bi se to ravnalo pravolinijski u neko dogledno vrijeme, a to će biti osnova za sve ostale za podnošenje zahtjeva. Možemo nastupiti kao i u prethodnom slučaju da tražimo stručno mišljenje ili da neko cijelu tu trasu da je možda malo prouči, kako bi donošenje takve odluke uticalo na kompletnu tu liniju, pa nam možda još predložite to za narednu sjednicu Općinskog vijeća. To bi nekako bilo, nisam znala ni za jedan ni za drugi problem i ja prvi put stvarno čujem i vidim ovaj balkon koji je poprilično do ceste izašao, pa možda ne bi bilo loše da imamo malo više informacija vezano za ovu trasu.

Vijećnik Hajrudin Fermić, dakle, i Služba ima tu dosta mogućnosti različitih varijanti, i ja sam pomenuo ne znam da li sam u pravu da li postoji mogućnost da se st4riktno navede u svim daljim postupcima taj nekakav pooštreni režim ugradnje, davanja dozvola za eventualnu gradnju itd. ili ne postoji. Mimo ove Komisije za bezbjednost saobraćaja slažem se da i on treba dati svoje mišljenje a ima i drugih varijanti i tamo i ovamo. Ja sam gledao kad su u pitanju Nalići, nisam primjetio da ikog diraju, ali poštujem da postoji mogućnost. Tako i ovo, da Savjet za bezbjednost saobraćaja, da možda se s neke druge strane može napraviti dio ceste asfalta da bi se ovo uradilo, ovo su već naklapanja, ovo bi trebalo i Služba i Savjet da daju mišljenje da napravimo posao da nas ne boli glava.

Nedžad Čatić, sve je moguće. Mi smo cijenili u tom dijelu imate u obrazloženju da smo mi ostavili mogućnost postavljanja trotoara 1,5 m. To je to, ali ovo stanje ne odgovara, kad pogledate malo dalje vidite ovaj betonski zid koji je već neko drugi izgradio, koji je ušao već u taj putni dio možda i dva metra. To je takvo stanje gdje je svako zauzeo, to je stari magistralni put koji je bio širok kao u Kosovu, po 12 metara sa kanalima, sad je on 3-4 metra, da li ima kanal ili nema. Svi su tako zauzeli na isti način i već su tu objekti koji su izgrađeni. To je žalosno što mi imamo nekakvo statuskvo stanje gdje imamo izgrađen objekat. Mi smo išli na ono minimalno gdje se može i legalizovati, to je ona projekcija ovog balkona i mogućnost ugradnje trotoara pored te kuće. Sve je moguće vi možete donijeti odluku kao i za prethodni slučaj pa neka Komisija pogleda i to je to. Svi su zauzeli, to znam sigurno, imamo još jedan zahtjev gore dalje s druge strane a svi su zauzeli već imaju kuće izgradnje, imaju dozvole koje su na granici samoj, gdje su čak i ušli u taj putni pojas. Nisu oni dobili takve dozvole, oni su dobili dozvole dole niže, ali su tako izgradili.

Predsjedavajuća, zaključujem raspravu i predlažem isti zaključak kao i prethodni, da ostavimo i ovo za narednu sjednicu Vijeća da imamo sveobuhvatnu sliku te trase ili tog dijela ceste.

ZAKLJUČAK

9.1. Skida se s dnevnog reda Odluka o prodaji nekretnine neposrednom pogodbom Bajrić (Salih) Ševalu iz Liješnice, općina Maglaj, radi formiranja građevinske parcele.

9.2. Općinsko vijeće traži od Komisije za bezbjednost saobraćaja da izađu na lice mjesta, da dostave svoje mišljenje o stanju na terenu.

9.3. Nakon toga Odluka će se ponovo naći na sjednici Općinskog vijeća.

Glazalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Nije prisutan vijećnik Vehabović Elvir.

AD – 10 Rješenje o razrješenju člana Općinske izborne komisije Maglaj;

AD – 11 Odluka o raspisivanju Javnog oglasa za imenovanje člana OIK-a Maglaj;

Predsjedavajuća, predlažem da se vodi rasprava po obje tačke pošto su vezane a da se glasa pojedinačno.

Emina Hasanić, u obrazloženju Rješenja o razrješenju člana OIK-a stoji da je gospođa Tea Zamboni, podnijela ostavku na mjesto člana OIK-a. U obrazloženju stoji da je podnijela dana 10.02. a u stvari je podnijela 11.02. to je tehnička greška bila, tako da bi ispoštovali cjelokupnu proceduru te dostavili Rješenje o razrješenju člana, kao i Odluku o raspisivanju javnog oglasa za imenovanje novog člana OIK-a mi to moramo dostaviti CIK-u. S obzirom da idu izbori i kako bi ubrzali proces, smatram da nema nikakvih smetnji da danas donesemo i Rješenje o razrješenju člana OIK-a te Odluku o raspisivanju javnog oglasa za imenovanje člana OIK-a Maglaj. Obzirom da ste dobili i tekst javnog oglasa kako bi još ubrzali proceduru i dobili na vremenu, smatram da danas bez ikakvih sumnji u bilo šta možete usvojiti ovo Rješenje i Odluku.

Otvaram raspravu

Pauza Klub SDA

Predsjedavajuća, zaključujem raspravu i dajem na glasanje

ZAKLJUČAK

10.1. Donosi se Rješenje o razrješenju člana Općinske izborne komisije Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH).

Glasalo 11 glasova uzdržani: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Nije prisutan vijećnik Vehabović Elvir.

Dajem na glasanje

ZAKLJUČAK

11.1. Usvaja se Odluka o raspisivanju Javnog oglasa za imenovanje člana OIK-a Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH).

Glasalo 11 glasova uzdržani: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Nije prisutan vijećnik Vehabović Elvir.

AD – 12 Odluka o davanju saglasnosti JP „Elektroprivreda BiH“ d.d. Sarajevo Podružnici „Elektrodistribucija“ Zenica za postavljanje dva AB stuba u putnom pojasu – na dijelu parcele označene sa k.č.br. 2265 k.o. Kosova;

Predsjedavajuća, na Kolegiju smo raspravljali o tome, nije bilo rasprave, zaključujem raspravu i dajem na glasanje

ZAKLJUČAK

12.1. Usvaja se Odluka o davanju saglasnosti JP „Elektroprivreda BiH“ d.d. Sarajevo Podružnici „Elektrodistribucija“ Zenica za postavljanje dva AB stuba u putnom pojasu – na dijelu parcele označene sa k.č.br. 2265 k.o. Kosova.

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Nije prisutan vijećnik Vehabović Elvir.

AD – 13 Nacrt Programa poticaja u poljoprivrednoj proizvodnji općine Maglaj za 2020.godinu;

Otvaram raspravu

Vijećnica Dženita Smajlović, s obzirom na to da se radi o Nacrtu, Klub vijećnika SDA će podržati Nacrt Programa poticaja u poljoprivrednoj proizvodnji općine Maglaj za 2020.godinu, s tim da predlažemo da se poticaj poljoprivrednim proizvođačima a po uzoru na druge općine u okruženju plaća po kg. tj. po ukupnoj količini ubranih plodova određene poljoprivredne kulture mislim da su to krastavci kornišoni i feferone.

Predsjedavajuća, mogu li vas zamoliti da to u javnoj raspravi dostavite pismeno u vidu prijedloga.

Jedno pitanje za Službu koliko bi trajala javna rasprava da predložite?

Vijećnik Mustafa Bešić, pošto je ovo Nacrt Programa poticaja u poljoprivrednoj proizvodnji općine Maglaj za 2020.godinu, mislim da nemam potrebe pošto sam član komisije, sačekat ćemo dok se izvrši javna rasprava gdje će poljoprivrednici iznijeti kao i prethodnih godina svoje mišljenje i stavove i da mi iz toga izvučemo najbolje da ljudima pomognemo što je više moguće, da se poticaj usmjeri tamo gdje je sada najpotrebniji.

Predsjedavajuća, zaključujem raspravu i dajem na glasanje

Z A K L J U Č A K

13.1. Usvaja se Nacrt Programa poticaja u poljoprivrednoj proizvodnji općine Maglaj za 2020.godinu.

Otvara se javna rasprava u trajanju od 30 dana.

Zadužuje se Služba za privredu, finansije i razvoj poduzetništva da obavi javnu raspravu prije glavne rasprave da se obave rasprave po mjesnim zajednicama, Kosovi, Jablanici i Novom Šeheru.

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Nije prisutan vijećnik Vehabović Elvir.

AD – 14 Nacrt Programa utroška sredstava – poticaj u zapošljavanju mladih poduzetnika za 2020.godinu;

Otvaram raspravu

Vijećnik Hajrudin Fermić, jedan konkretan prijedlog zaključka, ja sam ga pripremio i u vjećničkim pitanjima ali ne bi bilo loše da nam se prilikom glasanja o ovom Programu nakon rasprave kad dođe u finalnoj verziji da nam se uz to dostavi i spisak svih onih koji su u prethodne tri godine koristili ova sredstva kako bi imali evidenciju i znali i mi i javnost o kakvim se stvarima radi. Neću da govorim i otvaram raspravu, nekako lakše dođemo do informacije putem medija, nego službeno ovdje na vijeću, pa da imamo taj spisa.

Predsjedavajuća, zaključujem raspravu i dajem na glasanje

Z A K L J U Č A K

14.1. Usvaja se Nacrt Programa utroška sredstava – poticaj u zapošljavanju mladih poduzetnika za 2020.godinu.

Otvara se javna rasprava u trajanju od 20 dana.

Zadužuje se Služba za privredu, finansije i razvoj poduzetništva da provedu javnu raspravu i da dostavi spisak svih korisnika Programa u posljednje tri godine.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Hrnjić Armin (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH).

Glasalo 11 glasova uzdržani: Adis Abdurahmanović, Edib Delić, Nedžad Alispahić, Selma Avdić, Mirsad Bežić, Hasanić Šefka, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Nije prisutan vijećnik Vehabović Elvir.

AD – 15 Odluka o usvajanju Nacrta djelimične izmjene Regulacionog plana „Liješnica“ – Plan poslovno radne zone Liješnica;

Predsjedavajuća, nije bilo rasprave, zaključujem raspravu i dajem na glasanje

Z A K L J U Č A K

15.1. Usvaja se Odluka o usvajanju Nacrta djelimične izmjene Regulacionog plana „Liješnica“ – Plan poslovno radne zone Liješnica.

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Nije prisutan vijećnik Vehabović Elvir.

AD - 16 Odluka o usvajanju Nacrta djelimične izmjene Regulacionog plana „Centar Maglaj-južni dio“;

Predsjedavajuća, nije bilo rasprave, zaključujem raspravu i dajem na glasanje

Z A K L J U Č A K

16.1. Usvaja se Odluka o usvajanju Nacrta djelimične izmjene Regulacionog plana „Centar Maglaj-južni dio.

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).
Nije prisutan vijećnik Vehabović Elvir.

AD – 17 Odluka o usvajanju Nacrta djelimične izmjene Regulacionog plana „Centar Maglaj-sjeverni dio“;

Predsjedavajuća, nije bilo rasprave, zaključujem raspravu i dajem na glasanje

Z A K L J U Č A K

17.1. Usvaja se Odluka o usvajanju Nacrta djelimične izmjene Regulacionog plana „Centar Maglaj-sjeverni dio“.

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).
Nije prisutan vijećnik Vehabović Elvir.

AD – 18 Odluka o pristupanju dijelimične izmjene Regulacioni plana „Centar Maglaj-sjeverni dio“ po zahtjevu „Džino“ d.o.o. Maglaj;

Nedžad Čatić, u ovoj tački dnevnog reda radi se o zahtjevu „Džino“, d.o.o. za izmjenu Regulacionog plana „Centar Maglaj-sjeverni dio“, gdje oni traže da se izmijeni u dijelu gdje je planirana izgradnja poslovnog objekta izložbeni i prodajni salon namještaja da se izmjena ide u tom pravcu da se predvidi izgradnja benzinske pumpe. Tu se radi o lokaciji kod kružnog toka. Vjerovatno je to vama svima poznato, imali sto to već i raspravljali koliko ja znam o tome. Uglavnom to je ta lokacija. Oni su kupili to zemljište i uknjižili na sebe i sad traže izmjenu.

Otvaram raspravu

Vijećnik Hajrudin Ferić, ne želim da prejudiciram raspravu koja će slijediti iza moje diskusije. Ja sam dužan da iznesem javno svoj stav, svoje mišljenje, a to je da ću odbiti ovu odluku o pristupanju izmjenama Regulacioni plana „Centar Maglaj-sjeverni dio“ po zahtjevu „Džino“ d.o.o. Maglaj, iz prostog razloga što je prije 3 i po godine isto OV donijelo zaključke u avgustu 2016.godine, a nakon obavljene javne rasprave, a nakon peticije koju je potpisalo više od 100 mještana građana jednoglasno je donijeli zaključak da ne postoji javni interes da se gradi benzinska pumpa na ovoj lokaciji. Dakle, radi se samo o promjeni investitora, ista namjena isto je sve i mislim da ne možemo biti toliko neozbiljni da takav jedan zaključak ponovo dovodimo u pitanje i provodimo postupak ispočetka. Dakle, stava sam i tako ću i glasati.

Vijećnik Edib Delić, malo je nekorektno vezati ono što je bilo nekada prije tri godine i ovu situaciju koja se sad nalazi. Naime, svi dobro znamo, oni koji su bili u ovom OV znaju dobro o čemu se radilo u prošlom pokretanju postupka. Tada je bila predviđena izrada benzinske pumpe i peletare što je sad sasvim drugačija situacija. Po mojoj procjeni je tada bilo najviše primjedbi za onu peletaru koja je trebala tamo da se radi. Benzinska pumpa je bila naravno u okviru tog projekta. Mi predlažemo da se krene u ovu izmjenu Reg. Plana a neka javna rasprava pokaže šta će pokazati ne možemo prejudicirati unaprijed i određivati tok javne rasprave i na kraju donijeti zaključke. Predlažemo da se krene u izmjenu Reg. Plana, a dalji postupak će donijeti ono što će donijeti i on što treba da donese.

Vijećnik Mirza Bradarić, ja moram reći, bio sam konkretno u sazivu OV kad smo imali tu tačku dnevnog reda kada je bio zahtjev isto izmjenu i davanje dozvole za otvaranje benzinske pumpe. Fazon je u tome kad je to došlo na dnevni red isto na ovaj fazon, mi smo svi u Vijeću rekli OK, obzirom da je to jedan od investitora, hajde neka ide u proceduru, međutim nakon pokretanja te procedure, održana je javna rasprava i ja sam bio ne znam tačno ko je sve bio, znam koliko je naših sugrađana bilo u ovoj Sali i gdje je rečeno, zaključak te javne rasprave je bio da taj projekat nije od društvenog javnog interesa. I tada smo mi dobili konačan prijedlog gdje je smo jednoglasno to sve odbili. Isto tako moje mišljenje a i mišljenje mojih kolega da ne trebamo svakom investitoru odmah na samom početku reći ne, mislim da bi bilo korektno, obzirom da smo i prije nepune četiri godine možda već ima ne znam tačno, dali pravo pokretanja dali dozvolu bili smo za pokretanje tog postupka, međutim za vršilo se tako kako se završilo. I sad smo saglasni da i ovom investitoru trebamo dati priliku, investitoru kao investitoru, ne trebamo

odmah zatvoriti vrata a ja sam siguran, naravno da to ide u standardnu proceduru sa javnom raspravom, ja sam siguran da će i na tu javnu raspravu doći jako puno naših sugrađana i koji će rezultat i ishod te javne rasprave biti to niko od nas ne može sa sigurnošću tvrditi. Dakle, mi smo za pokretanje te procedure, neka bude javna rasprava, nakon javne rasprave imat ćemo konačno prijedlog i onda ćemo vidjeti šta će biti u konačnici.

Vijećnik Mustafa Bešić, Mirza je to sve fino obrazložio, ja sam isto tako nešto htio reći. Ne trebamo odbijati ljude koji investiraju u našu općinu, neka ide u javnu raspravu procedura pa ćemo vidjeti, šta će narod reći, šta će odlučiti mi ćemo se držati toga. Bio sam sudionik toga kad je bilo prije 4 godine, to je bila druga situacija, pa ćemo vidjeti šta će izaći iz toga.

Vijećnik Firuz Galijašević, samo nešto da dodam, ovo što je rekao kolega Bešić, ovaj poslodavac već investira u ovoj općini i on već egzistira. Mislim da je 12 uposlenih, tako da vjerujem da bi on to proširio i na 20 uposlenih.

Predsjedavajuća, to ćemo vidjeti poslije javne rasprave, da ne prejudiciramo ni u tom slučaju.

Vijećnik Hajrudin Ferić, replika – meni nije niko obrazložio ni objasnio kakva je suštinska razlika i zbog čega je bila razlika kad je u pitanju „Transey“ i kad je u pitanju „Džino“, nije tačno zbog toga to govorim tada su bile drugačije okolnosti posebno su se i građani i vijećnici izjašnjavali o benzinskoj kroz zaključak, zaključak 1. a posebno za peletaru zaključak 2. Objavljen u Službenim novinama. Ono što ja hoću da opomenem da su ljudi, građani rekli ne treba im ekološka bomba pet metara od prozora, ne treba im četvrta benzinska, podržala Komisija za privredu, koja je bila i organizator tih javnih rasprava. Zaključak Vijeća jednoglasno i ja zaista mislim i smatram da se apsolutno ništa nije promijenilo u tome da sad odjedanput postoji javni interes da se prvi benzinska pumpa pet metara pod nečijim prozorima. Naravno da poštujem odluke većine, ali ja za to neću glasati iz prostog razloga što poštujem mišljenje građana i mišljenje Vijeća i što sigurno znam da je tadašnji zaključak OV jedini pravi, validan i zakonit.

Vijećnica Svjetlana Zamboni, čini mi se po ovim iznesenim stavovima jasno je kakav će biti ishod glasanja, ali hoću da kažem i kao vijećnica SDP-a na prijedlog predsjednika Kluba da svakako makar u okviru našeg kluba, neće sigurno vijećnici odstupiti od mišljenja javnosti i da ćemo kao i prošli puta poštovati mišljenje svojih sugrađana, njihove iznesene stavove i da ćemo takve stavove i zastupat ovdje u Općinskom vijeću.

Predsjedavajuća, zaključujem raspravu i dajem na glasanje

ZAKLJUČAK

18.1. Usvaja se Odluka o pristupanju dijelimične izmjene Regulacioni plana „Centar Maglaj-sjeverni dio“ po zahtjevu „Džino“ d.o.o. Maglaj.

Glasalo za 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić, (SDP), Muhamed Hrnjić (SBB), Fikret Delić, Mustafa Bešić, Kanita Bašić, samostalni vijećnici, Josip Jurišić (HDZ BiH), Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Glasalo protiv 1 glas: Hajrudin Ferić (DF),
Nije prisutan vijećnik Vehabović Elvir.

Predsjedavajuća, obzirom da se Načelnik već u nastavku sjednice najavio da neće biti na kraju, otvaram vijećnička pitanja i inicijative.

VIJEĆNIČKA PITANJA I INICIJATIVE

Vijećnik Hajrudin Ferić,

Jedno sam djelimično iznio kroz raspravu ovog Start-ap, to je:

1. Prvo tražim da se pismenim putem do naredne sjednice dostave spiskovi korisnika sredstava iz Budžeta Općine Maglaj za 2017, 2018, 2019.godinu po slijedećim poticajima:
 - Start-ap podrška zapošljavanja mladih i nezaposlenih.
 - Sanacija i uređenje fasada zgrada zajedničkog stanovanja.
2. Zašto se ne realizuje projekat utopljanja projekata Soliter S-1 iako je još prije godinu i po urađen glavni. Odnosno izvedbeni projekat.

Predsjedavajuća, zaključujem današnju sjednicu u 14,33 minuta.

Zapisničar
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

